

四庫全書薈要

• 乾隆御覽本

集部

御定歷代賦彙補遺卷四

地理

虹江賦

明馬一龍

客有誦虹江之勝者孟河子進而語之客是勝夫不勝  
不知也妖蟲蝕氣以絢天陰青薄空而暈日箕津竅發  
於帡幪逝者如斯而不息繁霞會紉引圓羅而魄營湛  
露滂精決沆瀣而閭洩蕩無涯以振河海伏光景而混

朝夕相與簸歛麾戢震鼓雉騰蛟姹舞幻化難於具  
陳而戴盆以資談府客曰願聞其說啟我聾瞶噫天下  
之勝莫妙於無不足然天下之求勝者實則眩惑於其  
目昭昭之明散為二光涓涓之滴積為四瀆撐紱結幕  
於楚臺之陽流沫合襟於孔林之麓彼或取爾相尚以  
為芳族則亦晶晶嶽崑天光下燭空明鬱勃擁黛沉玉  
激鯤鵬之飛淙桂鬣飄於森木閉寒月於禹門盼恒沙  
於捐毒洗湘筠之遺痕追華渚之往躅客曰然吁天地

之間儼乎萬物目之所見唯形與色苟循其轍則上焉者星辰常如綴旒日月有時合璧風雲雷電雨露霜雪盈太虛中皆其顯仁而著跡及乎下焉靜鎮者為山動适者為水草木敷榮昆禽煦嫗類聚而羣分之何者非吾身之所容與故脫精於近小而大觀遠寰宇乃能放五形於五嶽不屑屑局守於一隅耳夫形色之不可為名稱怪怪奇奇莫非洪治玄陶范化而精凝摩盪於三氣雜揉於五行東西窮日月之出沒南北極天地之降



升其間融結為勝鬼神不得通機緘丹青無以施技能  
吾試言之而熟聽之可乎客曰可嗟夫虹霓麗天江河  
行地知天地之情狀則知天地與我皆為一氣矣物多  
障於目見而道必由於心契不然天高地厚廣漠無際  
觀一物而窒乎神化之自然或昧化工而不通造物之  
量劑又孰知乎刻鏤籠鬱劇畫堪輿崑崙泰華之墟發  
而為神州赤縣大帝攸居衣冠文物之盛視金玉皆為  
土苴寶殿瓊樓何天之衢岳峙川渟形勝莫踰此天造

地設縱之為都會之區尊不可擬卑莫敢渝又其次也  
金谷繁華習池富貴亦極一時之侈靡然反道背德適  
為身累故君子不以為美而雙秀蛾眉九曲武夷孤山  
矮屋桐江長絲或又不免避世離羣肥遯膏屯其與深  
匿桃花之源長嘯天台之門暴殄天命而潔身亂倫賢  
者不足與為謀在有道之世非今日之所樂聞固莫誕  
於神仙之說極其窈冥以為弱水三萬里外有萬丈蓬  
瀛紫翠煥乎玄間巍然宮闕之蔥蒨不祇隋珠趙璧以

間黃金白銀真人之所止常園腴下土垂涎腐鼠之餘  
餒若華陽終南鑑湖玉井豹瀆虎溪昆明畫省凡名勝  
之等於虹江者衆列十洲使必罄目力之所至安得霧  
駕星馳飄飄乎雲卧而天遊耶或能囊括宇宙盡大千  
世界可以肺腑收之則納天地於一芥子之中言亦匪  
謬客知盤古氏之王天下乎其既也展尺寸之膚為元  
包懸兩目之睛為日月胃流而海瀦骨聳而山立陽和  
暢其性情一怒而為霹靂髡之末而發萬物之胚胎

呼吸之微而動兩儀之闔闢蓋人身小天地而萬物皆  
備於我會元化於吾心取之無不足不必求諸方寸之  
外與形色並逐客乃咤然不應孟河子又進而語之客  
是不勝夫勝不知也虹江之上吾友有劉子元者知道  
之士執此以相質彼必躍然起思洞悟物我之形以予  
言為是將令其氣吐為虹霓人皆仰視而膏澤下流天  
下並受其賜名勝不在虹江實勝者足以垂斯名於百  
世

河賦 有序

明 俞安期

往余嘗浮淮歷黃河之委茲既經盟津觀砥柱率流金城渡河關積石數與河遇則心怦怦若有感焉夫九有水莫長於河故列之四瀆特號為宗然江有郭弘農賦亦既彬彬侈言之由漢以來未有沿委討源總攬萬殊收歷代之遺文畢體物之能事以及於河者有之自應成亦寥寥未備焉然河在中國所至利害彼此負殊越在上游特稱有利而無害秦地以下或利多於害或

利害相參方今泗沛間漂民廬驚陵寢其為害特甚則亦曩策之未完善抑豈河之罪哉不量寡率遂含毫賦之極其源委以頌河之德且折衷近者議治之異同焉其辭曰

維河流之靈稱肇億禩而不忒經流別之為宗萬水崇之為伯逮禹功之所加既經矚而可悉粵重源之載導復冒流於積石開隴西之上游徑金城而東出翼賀蘭以包朔方並陰山而望高闕左拂雲中雷首右薄太華

二嶠循平陰而北轉乎鮪渚遵洛汭而東抵乎成臯由是捐故瀆而不返指宛丘以捷馳擅淮濟之所道並委輸於朝夕之池昔之播九以同於碣石為逆而瀉於東齊者已中枯而成陸或分歧而背趨矣其來同者有洮兼大夏湟引閭門高平芒于奢延湍汾渭涇洛伊汝潁汴淮又附之而俱達者概不可以殫稽蓋四瀆之流總其三九州之水領其七咸千里而一折乃九折於中國其水則渾渾淪淪洄洄淩淩洩洩汭以凝潛汨黃濁而

拾漌不藉颺而騰波詎涅藥而成色及其下桃花之新  
漲溢竹箭之疾流浩混漾而高出濺軋沕而橫浮隄齧  
之而善崩山懷之而欲度奚兩涯之可測尚復致辨乎  
馬牛至若越呂梁潰龍門觸砥柱下集津阨嶮巖束嶙  
峴莫不洶湧滂湃濶滂濶濶湔洶洶澌澌奔溜下垂若瀑  
布之高曳駭波上躍若雪巖之雄峙飛沫類澍雨之四  
垂振聲又疾雷之薦至搖撼山嶽動盪天地聞之者改  
聽覩之者魄悸伏飛犯之喪其勇樗里遭之失其智漆



園所稱善遊之夫夫亦寓言而若是其鱗族則有鮒鰭  
鱒鯢鮐鱗鰈魴玄鮒白鰈青鱖文鯢兩魴朋遊王鮪穴  
棲或蒼文而赤喙或鳥首而龍題或暴顙而未化或具  
翼而善飛喜挾濤而出舞每汴流而升危鬣數揚而不  
定鱗欲安而無時其介族則有素蛟丹蚪黃螭黑蜃朱  
鼈玄鼈赤螭黃貝蜃蠃蠃屬浮蛇寶龜八足之蛻三足  
之能潛者逗泥而泛沫出者緣崖而曝暉故隨地而孳  
育亦隨波以遷移其羽族也鷺鷥鷓鴣鷓鴣鷓鴣王雉

白鷺鴻鴻駐驂朱目之鵠赤尾之鳧舂鋤影纓涸澤垂  
胡當尾以髯而奮體白鵠以視而孕雛陽鳥往還而旅  
處鵠鵠沉浮而托居鵠鵠互舉喧聒相呼要羣而集引  
子而哺巧歷不能以乘計司虞不能以目書其下又有  
青璣白珠藻璆吉玉曾青芷石櫨丹碧綠浮磬羽磬文  
礪玄璊或流自他山或產於深澳觀水折之圓方察精  
氣之隱燭知寶藏之所興驗珍錯之所伏其天子之秘  
寶咸載之於河圖金膏燭銀玉果璿珠是河宗氏之司

衛非庸人所得而闕關其神則河精巨靈陽侯馮夷黑  
公之從趙見五老來告堯期或興兩蛟而挾舟或駕兩  
龍而負輶或化星而入昴或授圖而還淵或玉牘遺於  
滑次或掌跡寄於山顛稽歷代之禮祀其備物之或殊  
或刑正牲而沉白馬或射玄貉而獵白狐多榮王之圭  
璧及紺蓋之輿車若夫王澤寢銷君人失德徵廢則徙  
移表亡則竭絕澤枯則山石崩壅陰盛則陵阜漂沒戰  
國壅防以互分商都五圯而淪入鄰國上灌而為壑人

民下恨而波赤至於帝王聿興聖人將出則榮光以之  
錯起休氣以之四塞潤至於九里清變而五色川后為  
之貢珍水祇為之效職有若庖犧之卦畫軒后之綠圖  
放勲受圖而作記重華剖檢而得符負之以神馬挺之  
以龍魚折溜而至甕水而去金繩者泥紫蘭采者文朱  
寧斬乎靈府之閔貺孰不及期而來輸又若周有白魚  
之入舟赤烏之流火玉龜之呈讖晉年黃龍之見於光  
武告世運之將興著祥瑞之契應而臚列典章者亦不

勝侈其休慶蓋藏往以察來亦知微而知彰通神明之  
懿美目水德其克當獨昉稱乎嬴氏雖久臧而弗揚喟  
時代之沿革慨昔人之遺跡誓功者表其如帶階圖者  
載其分域晉君赴哭而遂流武帝興歌而遂室弘農化  
而猛虎渡漢宣濟而神鱗出尚父之號蒼兕太尉之殪  
青蚪葛玄使魚而吐書秦伯濟師而焚舟趙決之為却  
魏之策羸引之為滅魏之謀申徒負石以自沉方叔抱  
樂而赴溺古治救驂而斃龜子羽斬蛟而棄璧金人捧

劍於水心女娟揚聲於河激濟嘉君子之名渡賜寶門  
之嚮宋女詠一葦之杭孟津嗟捧土之塞伯鯨湮之而  
竊息壤女媧止之而畫蘆灰延世使隄東郡而豐賚延  
平決奏胡中而太奇王尊刻水神而惠息江使還余且  
而禍罹緯蕭子探珠於驪頰商丘開得珠於淫隈復有  
金狄之所沉木罌之所渡宣尼臨之而不濟魏侯浮之  
而稱固亡人投偃壁而結誓纂夫沉周寶而邀祐諸雖  
美刺之有間咸傳牒牘而昭著其壘有甌脫之地斥鹵

之墟分以萬洫激以千渠溉糞兼資黍稷載敷變境坤  
之瘠壤為晦鐘之上腴雲雨以之蕩出垢濁藉之滌除  
泛千艦以遠達通萬國之貢輸限戎狄於荒外若夷夏  
之分區興衆利而不匱設重險而有孚宜先王之典禮  
後比秩於諸侯於是集周穆之征紀夏后之荒經漢儒  
之載乘鄴氏之所稱法顯之所歷騫英之所尋且考濫  
觴之所在咸云自崑崙之靈墟本神泉之顥質發東北  
之一隅下夫中極之淵逮於河北之都劃凌門穿陽紆

絕屬賓之國畧皮山之居穿葱嶺以再發分于闐以並  
趨包且末牢蘭之所聚喻龜茲疏勒之所儲盤迴於荒  
服者三十由旬乃會三源而來緒至於泐澤海曰蒲昌  
又潛行千有餘里始及乎中國之西疆後使者薛氏之  
所訪云得之閭磨之岡而勝國之佩金虎符者復云自  
星宿之中央謂越遐而遺邇譏前記之荒唐竊意夫河  
源之遙集二重源以伏流悉前哲之所諦咸條疏而同  
途而後來之異軌是狃於積石之受誣彼覲夫顯行者



之即是而於伏者之為虛若然者其經見萬里而滙於  
眇焉之渤澤者豈自有沃焦而為歸墟况稱有電轉隱  
淪之跡茲非冒出之驗歟夫天一之潤下惟四瀆之為  
經歷桐柏而淮出及王屋而濟興江遡之以為永亦僅  
止乎蜀岷探茲源而及委貫方輿之兩端首西極而尾  
乎東極上應雲漢之竟天周祭雖並列乎瀆秦郡亦參  
稱乎川爰揭衆流以繫校夫孰與之而配焉歷觀往昔  
利害之所由深慨夫今時之所治不察夫常變之宜以

極會通之致夫彼一石之濁流兼六斗之泥滓緩行則  
為之分滯急疾乃為之並駛放乎海溼而成壤又梗夫  
尾閭之所委其控清以引濁亦非曩昔之失謀獨兼三  
瀆於枝淮曾弗災異之為憂豈容使一衣帶之廣克任  
夫七澤之洚流不經本而障末難乎圖遠之鴻猷獨不  
見夫乘四載者之疏導鑿上流而行乎高地度迅悍之  
怒湍非弱土之能載恐一川之不勝濬九道以分殺虞  
暴溢之為菑委曠土以儲侍自玄圭之告成閱千春而

罔害後乃淤故道而不修并屯氏而偕廢即炎祚置重  
使而隄防捐億萬之歲費竭新石而徒勞亦屢塞而屢  
敗此已然之效曷不繼神聖之上計併賈讓之首策猶  
可備采於近世顧泥古者拘拘舊跡守經者安於小利  
司農惜少府之藏司土重膏腴之棄其孰肯建非常之  
弘業而以天下為吾事遂終無不拔之訐謨是豈河馬  
之為崇耶亂曰出自夷服利中邦兮任坎之勞澤無方  
兮與能蓄祥德神明兮祭先江海王禮臧兮人謀允穀

世罔殃兮君德之修慶無央兮

太湖賦

明夏允彝

惟陰陽之殊誕浩澤寫乎東南浮大荒而瀟灑洄萬派  
之瀾澆會流宗以來朝盡斯區乎沉涵渌紉而滴勢  
潰維紀以澄潭爾其為大也泡泡瀨瀨絕倪冥至淥淥  
芾芾平天沒渚羣壑漲赴熒沕淫裔櫓吳縈越控涓弁  
巨膠瀉迺夏雷磕雲响牽長風以嘯波倒星辰其下麗  
流漚漚其日瀕杳莫濫乎其溢際固已缶甄青草益盎

明聖宮亭非儷雲夢失競其西北則百瀆星涌江流霆  
輻洊淥淥其縞接互追躐而緯經白鶴橫翔五雲溢瀨  
蓮花朋爛珥練繩繩孟津平原長廣泓澄又若謝分南  
北蠡擅西東九溪三過慈道梁從赤城黃土西湛東瀉  
咸溟溟而濫濫輸荆鬲而會厥中其西南則天目之派  
戾輪激軸漱野滌荒或蛇澶之潦滴或騰暴之濤瀧險  
潭渤其陰餘不渚其陽紫碧滂潰淩荻翩颺龍湖鳳渚  
郛蒲臯塘邸閭晝畫梅玉流香青姥容裔碧浪滄涼泛

乎決漭之瀕穿乎洲淤之鄉濛濛洸洸不可得而殫列  
咸指苔雪而騰驟迄乎斯隅湛湛乎瀉瀉乎呬呀淪溥  
而靡羨溢乎其疆于是修殿巨泖連溶雜瀕申浦笠澤  
濯漈演泝百川疏流輸之溟澥清利延迤淡漫黷駁觸  
山飛沫連雲布靄浥激嵯崩潏旋坤駭若乃若丹宣義  
颺厲發颺隆頽蹙墜澆濩砉揆魏檣四斷鯤龍鬱勿翔  
翺墮穹丘汨遙天濕高樹沒蕩滴潏澤搖岫相擊日輪  
漂磔地緯拆裂禺強暴沸於瀛寰感衝挺之雄聲乃回

轡而東矚警壯勢之判司謂余其將伯仲醴流澣而永  
醒又若霽收霽霽素娥遊空波滌滌其涕汨光泣泣而  
連融上下潏涌煜靡定睨潭沲練合長鑒晶甌澆莫測  
其所屆徒澹淡於濛鴻若乃陽烏照彩遙山吐狀參差  
崖竒浮乎滄漭崇官攢天歲礪俯仰其閔鄙也三萬六  
千其涵漭也七十餘二則有縹緲之峯天虧日蔽上喬  
巖而盪胸下搖腕而絕俛攬三吳其几席鬱連天其蒼  
樸其遠勢之周絡則夷峻脩坂綺寮層巒巍跼合沓而

非日月之能巡詣厥名林屋是有峭蒨千重精蘭十八  
洵密戢而鮮次又若石公歲裏龍頭虬劣金鐸雷隱渚  
渡瓊澗殆神靈之所鏡燐不可得而究測又有莫釐之  
山岑嵬嶽嶽跨東西以踦踞若巨鼇之叩首而遐尋誕  
霓攸而幽繆爰扈蔚之連岑照乎彩栢藻梲之帶壑而  
冠峰爛乎其朱榮紫莖覆重岡而依青瀟若靈源翠峰  
之戢香繇百階而矚大包髣髴與桃花之塢消夏之灣  
互縈帶而衽襟其支則有靈龜偃蹇元龜鼎鬲禹期之



琮璧流煥二椒之戈鋌息忘陰山晦暖其玄露葉嶺披  
離而春翳孤鶩束味而高栖駭馬迄淪而益駛又有長  
沙橫漫厥澤衝垓莽與兮兮叢夢望夫君兮渺涯於菟  
馴兮藜萊昌刀貝七兮臆丘崖矜雙貢之若翼既巨垂  
而幼拱何二雷之參商乃方霽而斯靈又若三峯五石  
玉柱金庭雙岫遙屹長嘯浮青若管若矢箭振籃驚猶  
鼉同穴琴杆交嵒石蛇吞象者八九謝姑窈窕而清英  
首奚瀕兮耳奚歷牛飲傳兮鼉鼓轟爰峙三山亦崇二

嶽白浮前殿牌穹大響烏南北而齊翼竹大小而叢箬  
陶朱氏所垂緡干比蠹而峭削或問津而濟余紹王舍  
其彌確斯皆嶠巖嶄嶄嶄嶄岳岳明神之奧區自浩漻  
而剗斲復而瞰之螳蜋其猶翮兮若羣龍之翔附於天  
也頽而覲之千巒萬嶂若矛劒攢列駢森而流爚是產  
璇樞之精衣丹液充厥種十一軼駕區中黃柑綠橙緣  
芬迸風巨杏若掌枇杷空中楊梅繡壑來禽綺籠玄光  
十號楔荆三種銀杏百仞覆谷排嵩塗林均碩南居埒

穠綬華紉覈乾榛繁榮照霞雪日蒙隰緣崆又若木燮

累而千章卉蕭蓼而粹組珍植璘幽其叢生葩華蕤飢

而掩浦灌林蔥歲琳瑯布扈于是瓌禽誕獸棲戢其間

不可得而咸譜麋麇麋麋神駮黠戲獫胡魁魍犂獐

狎獮父狝雖隸貍微姪闕洩麋獠渡嶢越岸穿蔽卉芾

懸騰壑澗鷗鷗鵠鵠背竈鴈鷗盧休鷗鷗鷗鷗鷗鷗鷗

鷗鷗鷗飛女城旦伯趙戴紕伏翼鴟鳴翠膺藻臆鴈眇

翕散翮翮鳴嘒嘒吟莫辨又若祝馴林屋迄鮮東教雉

守胥峰叢靡西纂又幽靈之所曷別非人力之能羈囹  
爾乃怒滴之所硤澗盤澗之所泓錯靡喂不泐延崖畢  
崿則有瑩於圭璋變於抵轂虎踞龍拏蚪飛鳳攫碧洞  
嵌空豁訝挑峭蟠巖重穰單棧聯絡磷礪煜霍鬱霏劫  
却霧欬雷歆雲封蘚駁蜂房籀篆鑿鑿矩矱霍霽嶠杳  
幻誕靡度是以梁王之苑樊川之園萬金懸購千夫競  
擇情悵截薛輪因使媒層巒曲嶂含雲蓄烟稠巖譴賈  
獨嶠孤騫崑崙三重二峭九阪曾蔑足以方焉于是巨

僧國賈飛舸編艘交倘怪遴姸媾踐驚波蹈條濇穿遥

裔窮素覆駢田弮蒼所臻踊驟盪鏐飯洗狼荒夜襲珊

瑚玻璆璐瑋瓊塗球瓚玫瑰碑礫鐐鎰之屬罔不颯颯

泚泚濇涌而輻輳又有没人漁子飯魚家水畧罾巢罩

粮措筍簞鐵湛絀浮蕪流滬止炙膚沉淵舴艋連舸竹

戛鏃射藥醒靡悔漂蜚烟布涸智殫技廢索馮悃鳴鼓

聚市則有鱣鮓鱧鮐鰱鯪鯢鯢鮓鮓鮓鮓鮓鮓鮓鮓鮓鮓

白若脂鎔銀液魚若刀若鏃神魴鴻鰪文鰩翔夜強徽

激旋沉虎洄鹿幽磬荒眩鉤致而出同根合筌又有柔  
甲之解若被文犀膾餘而逝如餌靈仙或駢節而鋌尾  
或錦理而縠斑漣漣喁沫雪雪噓涎嘲顯震谷流睒晃  
淵叢貫琛錯噴藻連潺顙連伍兮骨專車鱗吞艘兮鬣  
刺天類輿府之閼怪非罽罽之所求焉若乃園涯市壤  
溝塍綺紛臚臚平遠變膏漬津龍尾桔槔恒升玉衡輪  
水激逆激激潏潏潏灌注原隰漂盪溢滂液成濃腴不雨  
恒醇殊莖協穗旅穀嘉釐青芊赤穰繽紛隱笄畝值一

金頃充百困斯宇內之奇沃異江臯而河瀕乃有夸奢  
之豪詵逸之客練嘉辰盪沉愁揚輕艫駕巍舶樓船凌  
雲鷁首驅盛錦帆飄曳飛輪擊楫躡珠佩瓊士女嫺哲  
素綈錦冰縵繒縹織銀口黃耳文几重席然脂烹玉殽  
旅盈積鼓瑟吹竽流觴飛白幼眇之音角抵之戲奕射  
壺博麗僊閒謔咸指湖濱而絡繹於時晴雲解駁五兩  
徹吟平波纖縠泓秀華津芰荷曼綵繁藻紛琴芬芳暎  
靄而連渚秀榮灼爍而揜潯馮欄啟幌蕩魄搖心回棹

穹窿之側停舩溫園之陰昇猶桃梗烏鉢雲沉濟天平  
而拭鑑賊胥口而壯吟拂香山之遺馥拾夷光之墮簪  
爾乃函苞肥負藪逋藏亡植竿揚颿盜弄機槍霍潤跣  
踣上下翔翔封豕窵窵千百跳踉豈忽靡踪其所之徒  
聞壯瀧之漉漉於是簡專諸之裔繕下瀨之良彎落月  
治干將較鵝鵠飛舩艘凌驚颶驟鴻忙鷹瞵鶚睨螭矯  
龍翔飛矢回濤長呼裂岡賈其餘怒猶能踦熊羆而肉  
虎豹何有黑山之逋魄潢池之怒螳旣波清而濤晏永



沛沛而洋洋彼高人之樂饑志汗漫其徜徉或尋盟於  
遂初或藏弓於烏盡挾少娃於靈香侶龜鼉而永遁眩  
波光之森滴坐盤石之硃硃日斜雲黛夜夏風澄凌波  
長嘯拂石鳴琴遊魚咬集鮫人起聽俄而滕濤頌洞惘  
慌旋濛欲窮混而鼓枻懼蕩黃而汨紘是以方壺圓嶠  
之逸侶蓬萊方丈之仙靈時乘風以遙集感漫羨以遐  
征然徒傳洲嶠之變態固辨五湖之肇名雪荆韭濁連  
淞混冥貢莫遊胥瀾渺浮菱自剖渾而判氣長茫濶而

淪淪故震澤具區怖洪猛而殊號咸池五車混泱潏於瀛溟

秦淮可遊賦有序

明湯顯祖

庚寅晚夏望夕風月朗清人氣蕭爽大儀伍君命酒秦淮波上肅舲學宮弭柁乎斗門夷猶中流急管起於別航名倡更於樂府雜謔奇造淹於丙夜同寅膳客即兩顧君小儀蔡君各極本量而止懽如也就中客郎興寄橫發待余正陽門下坐流雲之碧階送淪霄之素月醉

言有清人之許離思多久客之懷歸攬朝霞賦成夕秀  
云爾

若夫赤月加望林鍾應響火熒熒而向流晷遲遲而欲  
往光拂鬱以延歎氣烝沉而失爽徒屏隱於軒廊闕遊  
觀於蒼莽何愜穆於周行獲佳期於漢廣樂我諸君秀  
而有文繚江閩之素氣朗吳越之奇氛旣自公而多暇  
在燕私而必聞樓臺落日山川出雲木懷陰而靡景草  
含清而向曛首英寮其薦酒指蘭舟而命羣命羣兮何

適望秦淮兮今夕拊文石之傾闌背學宮之廣陌玉樹  
之長廊半陰金陵之倒影猶亦有所期兮未來借彈碁  
而遲客減人從以輕舟弛冠裳而露幘儼佳賓其已齊  
放寬波而試劇蔭紫蕪與丹駮雜青林兮紺石蟬啾嘹  
其翳響烏差池而卷翮晦陽魚之出遊豔波禽之浮拍  
思羃的於芙蓉眷幽芬於蘭澤物有去而歡遲時有來  
而怨迫曠皇都其未娛舍流光而更索恨計往於尋常  
悟懷來於咫尺澹容與於清華蕩流連乎空碧蘋風起

而颿帷箭月浮而動席度江東兮宵柝嚴念漢西兮重  
閨隔汰水闌而望迴限斗門而意窄態紛紜其自親飲  
周流而未憚極本量之推排盡觥籌之發摘蘭肴藉兮  
風色鮮桂酒流兮月波液唳簫倡於鄰舫接棹謳乎伎  
席吹激賞而彌亮唱延悽而屢繹諒不醉以無歸豈有  
懷而未襞水光搖其瑣組露氣涼其簪綵滌滯慮於玄  
青玩迴環於虛白下瀨疾而須歛歸塘順而再逆邁亭  
臺於浦裔睇臯巒乎樹隙素光流兮雲石稠黛色深兮

風烟積或樹古而池平有朱門而畫帶釣渚何營漸臺  
誰闢吹簫屠狗之孫鳴鐘販脂之役杳河漢於清懷盼  
亭臯其可惜緬吳淮之百流斷秦餘之一沍擬王氣以  
中沉亘皇明而上直若渭水之貫都象明河之注極流  
美惡而匪鑑映井里其如織陰居人於倍市駐遊冶之  
百色窗姝榜女之夜笑蘆人漁子之風食想閭道於何  
年悵離門於此域荷年運之清夷竊君子之光飾况山  
川兮夕佳有才情兮誰匿諸君感此且飲且持小人承

之或鼓或罷或唱驚蟬落葉或歌飛鵲依枝去清秋其  
幾何撫逝川其若斯清觴已矣良夜何其散殘瀝於津  
人分餘桃於侍兒收沉驪而一艤上前崖而載歌眷橫  
參之已西歎明星之不遲吁啞笑語徊旋步馳或有辭  
而未去或有去而不辭亦各極其致爾誠無嫌於參差  
別有東吳主客情源無竭偶先驅而北矯轉候余於南  
闕步嶢嶢而逝風立交桓而送月望紫氣之冥蒙坐玉  
街之瑩滑譚信州之積想喟玄都之素謁已九涉於星

霜詎雙彫於顏髮愴世路之悠悠對旁人而咄咄愛余  
行之高奇許微文之清越諒醉語其必誠豈寤言而可  
忽俟天雞兮告晨漾朝陽兮欲出意悠揚而就分興淋  
漓而未畢車倉皇而造門燭熺微而晃室歸夜遊兮氣  
清聽晨風兮思密雖映賞於蒹葭尚留驩於蟋蟀

雲夢賦

元馮福可

天壤之間兮水居其多彼九州而復九州兮吾不知其  
實那吾觀荊州之澤兮厥有識乎雲夢何積氣之所鍾



兮豈大瀛海者環之而不動羌南風之勁悍兮行平原  
之四出怒鯨噴薄而吐腥兮蛟龍盱眙以人立茲二澤  
之相於兮闕振古其如斯自雲土之兆見兮夢作又其  
從之奏庶食之艱鮮兮厓四海之胼胝探禹穴而曾稽  
兮何神功之能虧渺千里之莽蒼兮跨長江之南北混  
元氣之淋漓兮豈乾坤其猶窄貫七澤而雄長兮鬱章  
華兮貝闕抑方城而漢水兮君胡為兮能國驅余車兮  
南夢兮策余馬兮雲中望脩門其已遠兮橫南極兮馬

窮寥芳洲之杜若兮湛落日之青楓何般遊之能極兮  
亦既卹乎民之風張帝樂乎洞庭兮頌清風其江漢從  
楚獵之是夸兮曾不滿乎一歎猗皇仁之洋溢兮越漢  
而超唐東瀚海之無津兮西月竄其無旁水天而桂海  
兮奠宏基乎九有信雲夢之可吞兮又奚啻乎八九

限門賦有序

明李元暢

吳川濱海而縣其南三十里有限門焉納鑑江零洞潭  
峨之水放於海門廣盈丈夾磧對峙如虎牙錯淺流中

逶迤蜿蜒而入即瞿塘濫觴之險不能過每風濤搏激  
雪浪山立其響如輕雷聞百里是門也北達燕齊旁通  
閩廣西南走諸島夷瓊雷硃洲僅隔衣帶水風勁可一  
瞬航之海上多故此門設半旅可當劔閣一夫也商舶  
至非購窩師定檣烏不敢入稍失道觸淺流中夾磧舟  
立瓜碎蓋亦海濱之雄鎮也余賦之俾履險者慎焉其  
詞曰

登文翁之崔巍望南溟之一杯疑巨靈之擘石駭重門

而洞開納三川之積水轟萬古之奔雷挺螺峰以成戟  
斷鼇極以為根限天險以南北通潮汐而往來故能咽  
喉水府闔門乾坤陽侯抱關而擊柝馮夷效職以守閭  
長鯨透而恍呈魚鑰濃烟合而俄列藩垣呀百越而呬  
七閩總舸艦出入之戶控牂牁而引碣石立華夷保障  
之根其為狀也斷磧橫絕如環半缺對錯猛牙雙沉積  
鐵含形內虛盤紆曲折陰雲結駟而長驅高浪翻車而  
無轍或命火鱗而建羽旗或吐晴虹而安綽楔其為怪

也大塊噫氣海怒波揚飛濤起沫雪照炎鄉響振地軸  
勢動天閭類鉅鹿之戰人馬咆哮而落魄似漁陽之役  
鼓輦嗚咽而斷腸當其金樞吐月扶桑出日風靜蜃樓  
浪恬鮫室羣靈雜遝而曳裾層波澎湃而鼓瑟指安期  
於蓬萊恨登龍之無術憶博望之僊槎觸支機而蕩滴  
及其出斯門也貢琛甘泉輸粟幽燕巨艦連屋危檣棘  
天候風挂席占星涉川迅若鯢鵬之展翮疾如騏驎之  
加鞭一息千里所屆不待於經年若乃雕題鑿齒寇我

門庭青天黯淡白日沉冥龍爭虎鬪山搖海傾血流百  
谷燧暗千城樊噲荷戈以排闥終軍無路而請纓故治  
不可以忘亂而國惟在於足兵至如商櫟當門津迷水  
涸天道妒盈風濤交惡暗石穿舟利同干鏌貨隕深淵  
人填巨壑骨纏恨而難銷魂依貧而靡泊故宗元有招  
賈之文而蔡襄戒弄潮之樂亂曰閩不在高所重禦戎  
閩不在深所貴能容蜀閣高矣揖盜而入龍門深矣掃  
軌而急惟茲限也通一箭也藏污斲也鎖宇縣也閉而

席毋折而屐敢告執戟寂如水母囂如市敢告行李

南溪賦

明 李東陽

西涯子寓於南溪之上公事既竣賓客盡散清颺徐來  
旭日始旦春服漸減烏紗微岸方衆景之駢列忽羣憂  
之一泮沿隄而步則蒼蘚繡地丹櫻燒林野食呦鹿園  
鳴變禽繁華曜其陽叢篠陰其陰松移徂徠之峯石出  
太湖之潯境已曠而復幽路將窮而轉深乘舟而泛則  
泓碧長曳汰痕圓暈虛亭倒影下入無朕菱穿荇繞倏

遠疑近飛羽夾翔游鱗作陣俯空鑑以窺明激清濤而  
拂潤雖非浮海之大觀亦得風雲之真韵登城而眺則  
面引鳬嶧背負岱宗左控尼山之巉巖右瞻文廟之龍  
從古泗北枕清沂南帶達泉出乎其間汶水繚乎其外  
深池曲竇下與溪會復有平疇萬區大澤千里高原隱  
伏廣路長迤天冪冪以四布雲飛飛其如駛思兩儀之  
既闢見萬象之流峙乾坤渺其無際靈氣宛兮攸止不  
然則一溪兮幾何吾寧獨羨乎此偶遇孔氏之父老過



而問曰美哉溪乎其源可得而知乎父老曰此周封之遺墟漢國之故池也其前則兩觀之門其後則靈光之基也地以人勝事隨代更逮我故公而南溪是名滲漉汙濁澄渟清泠塞者疏而為通涸者瀦而為盈坊危有隄臨深有凭培舊植以為堅綴新葩以為榮斯溪也乃冠裳之所咸集軒騎之所必經詞林侈以為盛事海內想聞其風聲矧伯仲之具美與東莊而並稱余嘗覽薊遊燕檣吳纜楚忽使輶之東邁弭余節兮鄒魯魯之山

分嶽崎魯之水兮連漪匪王事之在躬余何為兮此溪  
窺聖途之浩蕩望學海之津涯歎時乎之不再觀逝者  
之如斯惟德澤之汪濊配宮牆之崔巍家與國而咸休  
名與牒而俱垂吾固知金石之足恃託文章以為奇於  
是衍聖公揖而進曰嗚呼此先君子之志也先生幸為  
我賦之余曰嘻有是哉乃呼墨援筆書於堂壁徘徊日  
夕蓋三宿而後出也

檻泉賦有序

宋周麟之

陽羨祖瑩之左有泉正出蓋詩所謂觴沸檻泉者也暇  
日徃觀感而賦之

君山之陽大城之阜松楸城乎其中有泉出焉於蒼龍  
之首隱若靈湫豁若督井吹波若魚目沸滴若湯鼎吁  
此何水也若是其異乎山人告余曰維山之巔峨峨巍  
巍三峰環峙中窪如卮萬斛之水瀦而為池蛟龍之所  
蟠神物之所司水滔天兮不溢旱竭澤兮不虧下灌注  
乎山龍之脈上潛通乎天潢之渚淼若波浸之在望常

未雨而生雲霓泓泓兮淵淵行地中兮冥然值冲秀之  
所萃乃奮迅而出焉稽之古詩是名檻泉其正出也萬  
竅互發瀟淪洄漩迸澄沙之金碎激浮漚之珠圓吹噓  
乎管灰之飛眩轉乎風蓬之旋其洩流也澗道委蛇如  
玄蚪之觸石遏流不平而鳴鏗鏘乎佩玉之音悠揚乎  
宮徵之聲擁山川之秀潤朝鬱鬱之佳城若乃陰伏陽  
亢害於有秋萬壑源斷千畦塹浮火雲晝燎燭龍夜遊  
山岳焦金石流則是泉也其澤涓涓其聲濺濺走竒綆

於百里溉稻秫於平田其羨流餘浸猶足以已道渴而  
灌園蔬也出山隈踰南阡斯前抵於大澗之濱而下會  
乎東瀉之川則其澤物之功豈淺淺哉余乃憮然曰夫  
天下之水殊源異族注川曰谿注谿曰谷灰出而泛則  
為汎懸出而溜則為沃湧輪口而凌空則為汾陰之漢  
下萬仞而曳練則為匡廬之瀑弱水則鴻毛莫載湯泉  
則不火而燠或止或行或見或伏各隨物以賦形紛莫  
數乎衆目茲檻泉之感沸不繫見於編牘豈先德之涵

潤故於此發長源而兆吉卜也因相與植杖而坐挹泉而飲之且歌曰泉之流兮流祖之德肆其後兮沐靈澤泉之清兮為文英泉之湧兮騰仁聲世世兮承休與茲水兮同流

幔亭雨舟賦有序

明 吳國琦

山背與崇安大溪南奔大溪西為孔道道行溪行看山絕無逢迎他山與大溪意乃山自為一溪從星村東來於裴村會大溪約可十里則為山面而亦絕無逢迎他

山與大溪意獨自戀戀於所自為一溪溪淺深行止山

於溪南北各宛宛與溪相應溪前後左右亦各宛宛與

山相應第山於峯外無所為山而峯於石外亦無所為

峯者石或豐上斂下或方上尖下如神人端嚴拱揖者

如美姝峭麗娟媚者如朱樓排雲雁塔摩漢者如城壘

周遭正笏卓峙者如廩庾交列鐘鼓交陳者又或如龍

驤虎踞猊蹲駿奔魚游龜息蟬寒蛙躁兔起鵲落箕播

斗酌者月斧神工雕鏤殆盡然多姿屢遷隨舟上下逐

境異名至精神一一全注之於溪大似老僧之於拂子  
英雄之於寶劍美人之於鏡文士之於硯者故遊他山  
則用杖履遊幔亭定用舟吳子於崇禎辛巳十月朔有  
事崇安李子去華先一日宿於裴村望吳子之車長揖  
請渡溪吳子止之三之日事竣返漳李子如前請吳子  
遂下亦長揖李子曰信哉蓋甲戌春送李子歸崇安有  
曰幔亭他日約仙棹與層層是日雨從者止之吳子曰  
否否山以溪勝以石勝溪以雨勝以雲勝決意渡溪橋



木翁翳羽流之塚纍纍院雞啼午鐘磬寂然一老黃冠  
然香道左大王峯倚幔亭壁立院後與李子登殿升閣  
瞻徐真人遺蛻於閣上閣下方塘一泓其丹砂流液耶  
回視裴村已在烟霞外矣未幾而大王峯忽不見未幾  
忽見於雲表綠樹森森樹下如鶴如鹿恍惚不可為狀  
下閣舟進雨稍霽玉女一峯如初沐停橈久之此第二  
曲也大王幔亭仍亭亭隔岸至第三曲則見舟藏於壑  
矣李子曰刻木為舟其上古乎而東西兩巖奇花異草

撲舟闌干舟前後左右隨目所觸各有奇峰突一洞出  
於石壁之半洞口朽木片片或直或橫老黃冠曰此所  
謂虹橋板也四曲也金鷄洞也下為深潭似有神物居  
之而洞傍小巖四出巖下多巢枯藤密構悉封苔蘚不  
可攀緣而巢傍如沐亦未見有所謂鳥者其金鷄乎抑  
青鸞朱鳳所棲息乎大王玉女時出棹後天遊三仰天  
柱鼓樓諸峯亦時出棹前似舍舟即可登者顧未可驟  
至也至潭盡石阻似乎溪窮舟子力撐頓闢一境蒼松

翠竹另成異區則晦翁院也前為晚對後為大隱屏亦  
未見漁樵往來而却橫小舟名平林渡久之有烟如縷  
出於青林老黃冠曰此茶戶也李子曰山中向多喬木  
廿年來茶戶利種茶竟爾濯濯而珍禽奇獸因不萃止  
惟此院與萬年宮喬木猶未伐耳余讀書院側曾見玄  
鹿白猿吳子曰此山以石為全體每對喬木大可數十  
圍而所著之土未及膚寸至峯頂之土幾何而喬木亦  
成林耶此正可與藏壑之舟虹橋之板一相參會停橈

久之及望隱屏右樓閣崔巍幾與屏石爭奇闢麗則陳  
司馬之雲窩即石之臨溪者為水榭乘石之轉徑者為  
欄干吳子歷四五曲俱不能舍舟至此欲踰矣繇小榭  
穿石門為堂者一堂後為樓者一右樓為房者一房僅  
為前簷後為石壁壁下有石竈石臼石井房之右又數  
丈有閣堂之左有門轉徑則倚闌干可睇溪而回視樓  
左一亭孤立高與樓齊則紅葉亭適當霜楓滿山吳子  
與李子坐於亭於白雲紅樹裏見屏右一峯似斷似續

濶不踰丈而高可千仞似倚屏似不倚屏者則接筍峯也峯右一峯濶可二三里高可四五里其色濶如紫金有亭翼然於峯頂流泉一道出於亭前如玉龍騰空而下噴珠百道衆山皆響者則天遊瀑布也李子曰噫嘻遊勝哉信乎以雨勝也非雨無論溪無此汪洋無此生動若瀑布亦安能如此恣心暢意或躍或飛如珪如璧之不可方物哉長揖請昇天遊吳子止之舟返要舟返舟前後左右所歷諸峯與舟進舟前後所歷諸峯體同

而名有莫肖者矣其多姿也屢遷也皆以石也石所以  
多姿屢遷也以溪之舟進返也而今日進返之舟尤覺  
異乎向日進返之舟之多姿屢遷也又以溪之雲也雨  
也吳子曰九曲可窮而若不能窮者亦以雨也至九曲  
可窮而若留一不能窮者亦以雨也可窮而能窮者則  
九曲之見境也溪之窮可虞也可窮而若留一不能窮  
者則九曲之想境也溪之窮更莫測也李子曰噫嘻有  
是哉相與渡溪次於裴村回視慢亭又在烟霞外矣吳

子曰有人乎李子曰醵峯和尚於神宗壬戌隱於山日  
不再食二十年不易衣不見一客亦不聞出一語一丘  
道人目雙瞽已復明年九十猶燈下作蠅頭字步履如  
飛李子取筆墨童子秉燭吳子記李子詩吳子復詩復  
賦李子名韓去華其字號韋菴崇安人以高才生選入  
太學天啟甲子與吳子遇於金陵訂交

維茲岐海呼吸蓬瀛彼重雲之徧覆於梵天洪雨之如  
車如杵置器界於鯢鯨是為水聚風輪乃生吹沫擲空

莊嚴用成凡聖同居異其性情固不知夫奚以缺陷奚  
以滿盈奚以淵淪奚以崢嶸更不知夫若階若泥若埒  
若都若消若沮之奚以名蒼蒼莽莽懸圃閼風崦嵫之  
西渤海之東神瀛出入尾閭胥通皆元氣之浩蕩闢日  
月於洪濛至人握玄樞而無終始萬彙固四大而自老  
童去者無際來者焉窮峙於南極者為丹穴聳於北斗  
者為崦峒想光音之所萃止或丘壑之所能逢即耳目  
之所近接得無躡天衢之崇隆不見渾灝之融結兮連



卷紆鬱而多姿列丹嶂之峭壁兮儵迤嶢而瀕涯旣縣  
亘以縱距兮亦突兀而蔽虧開洞天於中區兮帝五嶽  
而孩九嶷此閩關之屹屹兮時霧塞而嵐勢樹鎖烟而  
浮沒兮鳥亂雲而參差胡武夷之挺秀兮若簇朱英而  
吐金芝昔穆滿之長駕兮賓帝女而觴瑤池嗣秦政之  
遣方士兮挹三神山庶幾乎遇之乃茲皇二禩之仲秋  
兮有皇太姥降於峯頂之屢屢呼曾孫而登濟兮席采  
幄而四垂進麟脯與椒漿兮羌會舞而陳詞歌未終而

風雨驟至兮環珮車馬之聲杳難追念會合之何常兮  
僉踟躕嗚咽而增悲散虹橋於絕巘兮復手披而可窺  
爰鼓棹於一曲兮拂大王雄風而噫嘻洵莊立而正視  
兮彼玉女若捧乎盤匱顧鶴影之凌亂兮波光盪而來  
思傳幽響於空谷兮睇舟抵壁而自支應大力之推於  
夜半兮旣幻化之如斯矚龍淵之沉沉兮聞金雞三號  
乎朝暉遂更衣而旅進兮中流有服氣上水之寶龜泉  
應聲而時溢兮儼乎宋代之威儀謁桑梓之衣冠兮表

六經如晨曦羌晚對以增高兮橫小舟而渡誰有綠竹  
之猗猗兮煙如縷而如絲昭大隱於百祀兮陋玉簡乾  
魚於漢時信神仙之可學兮下視塵世之冢何累累仰  
天遊而聳望兮縱雙眸而猶夷峯冉冉以來奔閣軒軒  
以列睂忽瀑布之下於九霄兮寒衆山之氣如冰漸豈  
菩薩變幻之泉亦謝朓驚人之詩遊眺之外是為可居  
紅葉亭畔井竈離離接笋峰前白雲瀾瀾過此則汎鷄  
犬之晴川兮觀鉉乂於東菑遂去險以處廓兮嗟遊屐

至此而若遺揖羣峰而勇退兮覺此身在舟而可疑若  
乃山中之朝翠滴蒼流仙禽潛下素鮪交遊山中之暮  
千碧萬紫猿嘯何聲鴉棲復起厥山之陽僕夫蹒蹒望  
途窈窕蘭茝風香厥山之陰泉竇溟溟漁歌寂寞燈火  
微明鳥則霜襟苔衣鳬雛雁子遙集河洲交喙芳芷名  
或自呼慧能營壘獸則連臂鳶肩斑鱗蚪角疾繞長林  
徐犇峻壑齡化玄白胎應晦朔器具則鼎鑪竈竈機杼  
井臼或置山椒或間淵藪孰為之鏤孰為之負果則天

桃穠李山榛隰苓其色若燦其甘如萍沆瀣絜美仙棗  
讓靈蔬則齊苗穉笋蔓菁蹲鴟紫莖綠葉柔荑素肌珍  
同旨蓄行備瓊廕逮夫鳳團鮮制井漂弗汲茗柯擅芳  
巖花謝客今古異宜歟貢簡易爾其雕欄繡戶翼然絕  
構摘藻抽毫風騷兼茂翰墨高懸磨崖鐫籀乃有結屋  
誅茆渺焉寡屬遁跡棲禪泊然無慾換骨昂霄駭鸞駕  
鵠至於妝整朝霞容妍新月遠岫遙連反景獨揭花影  
掃階林陰覆樾鹿田疊疊而躬耕鶴浦曲曲而編筏鐵

笛之聲聞空采茶之唱欲歇又奚羨乎天台青城之奧  
區與夫赤松之徒嘉遯而辭金銀之闕哉顧丹之進也  
清明可悅而今以其雨也山川亦別恍惚不可為象兮  
峰之起滅浩渺不可為音兮溪之鳴咽靜如太古潔如  
夜雪招彼谷中薜蘿之人兮辨香可熱似裊裊之入於  
高旻兮義天澄澈亂曰丹砂不可求如彼一丘如彼一  
丘可消煩憂丹砂可求闊然十洲闊然十洲蓬壺悠悠  
浮生朝昏蜉蝣春秋水聚風輪寒暑自周輟風塵片晷

之車為幔亭剎那雨舟之漫游

吳興品水賦

明 徐獻忠

旅寓吳興周覽洞壑見其源泉泌發流委無際雖雲林  
深密蘿薜空濛莫非玉液之房滄池之谷也孔子有言  
知者樂水若余之懵於玄感昧於素機何足以言知然  
不能忘情於是也作吳興品水賦

余眷心於澤國望菰城而問津泛清泠以窮興擘曠朗  
之蒼根厥有迴峰北首積岫羣起金蓋耀靈以中聳鷺

嶺摩空而左峙倒景印波騰精溢髓散靈華之輪囷吐  
玄溟之變蘊元曜潤祥鴻泉鬱瀾始含涓以濡谷因剖  
石而出泯剔丹源之竊根漱玄瀨於芳芷陰銓揚其洞  
波瓊田激而沸渼於是田峻迎歡遊人結睇飲芳瀾以  
懷予相禾黍而延佇夫岡巒吐氣騰為赤標雲根不衰  
妙有玄感此乃淵虛之至靈形神之大交也然而結氣  
上傳有時而散流泓不息泛景同邁故仙源有朗玉之  
暉秘澈發流霞之頴標名白雲不亦美泉乎既乃泛駕



蒼雲之野回標夏杼之山薄槩澗而透紆俯鏘流之潺  
湲修巒綴而谷隱靈石迸而根丹足躡天維珠浮沸瀾  
瓊蔚生標琅徽振翰晰琳宮之沉影潤曜玉之閔顏眷  
洞壑之幽覽結遐軌而忘還若乃長城獨姥苞結束垂  
箸峴蒼雲蔚林彌望則有鼓吹揚靈金沙開潏琪巖豁  
竇玉乳雪漾八景同清三霄接象勺玄光以渥潤激瑤  
華以浮浪澄髮理之縈絲含晞光於落嶂此則大塊之  
希精海若之秘藏其於金蓋之靈聳節而應符者乎夫

靈泉者其來何始始於太素玄道振蒼流雲切景委神  
不滯妙感無門謂之靈源可謂真賞故九華絕滓入氣  
涵清雲根典護仙蓋托靈璫波竦象琳腴生熒紫房分  
沛太一含冷若使阿母延軒亦與太霞同咽者也予又  
何可廢之若乃托跡窮遐搜玄剔秘澄川別渚振步披  
幽或興情河上或鍊思瀛丘則鴻翔無礙羽之鄉鶴羽  
泛騰颺之遊三江八澤赤岸神州納吐靈沙含璣孕璆  
陽侯為之浴德湯谷為之鳴蚪鼓長風而拊檣扣馮夷

之噴流蓋亦予之長計又何所不至乎故乃東折會稽  
西連故鄣天目朗其南聳具區劃而後洋廣苕南嶼董  
嶺仙溪既溯瀉以懸溜餘英苧漾風渚西潭亦漫漭以  
遲洄夫鴻派介於通津疏流集於咸池既淵渟之異情  
何深德之不離遂乃靈潤右揚潏流西漪潏沅散波碧  
浪擅奇勺醴競甘迴波惜馳結綠潭以靜映揚素瀨而  
浮斯眇遐谷之間澹望清連以興思斯亦川靈之效德  
波臣之媚義也余蓋有樂志焉

雪湖八景賦

明 蕭子鵬

姚江之上有叟若迂以倦遊於宦路遽投休於故廬嘗  
泛一舟攜一鶴以寄傲於一湖維時積雪初霽重陰漸  
除湛素波於萬頃涵天鏡於一虛肆瞻眺以無侶顧造  
物而有吾浣此心兮如濯蕩逸懷兮以舒維湖之上有  
山式崇攢圭聯壁於南於東凝華天表是曰雪峰維峯  
之下有行其阿疊縞成阜積瑜寔陲一色無間是曰雪  
坡坡有一石皎若鏡圓臺高巖瀨礧聳涓涓纖縑不染

是曰雪盤有道延亘於湖之渚璐連絡繹練引逶迤人  
跡迥絕是曰雪隄中有洲兮伊阻交瑤草兮如組欲狎  
鷗兮難尋乃寓名兮雪渚憶我蹤兮萍梗昔登仙兮蓬  
境今返棹兮冰淵乃寓名兮雪艇葺我居兮山麓陋以  
朴兮自足敞虛白兮內明乃自號兮雪屋嗟吾首兮若  
蓬耽湖景兮無窮形與鶴兮俱老乃自號兮雪翁雪翁  
欣然洗盞以酌湖靈惟爾湖之潔潔兮奚以千金而冒  
名恐以懷金之見浼兮欲洗爾於一貞幸茲雪之布景

予盍以雪而見稱忽有漁父披寒蓑兮皓皓揚烟水兮  
冷冷招雪翁而與語覺彼此而忘情笑謂曰湖歷千歲  
以如故雪乃一時而幻形遇玄陰而是集鑠陽耀而弗  
凝予何名湖以是歟雪翁曰天一生水維水其清雨凍  
成雪維雪乃精而我非絕俗以為潔遺世而獨醒懷酌  
貪泉而覺爽欲歌滄浪以濯纓聊於此湖而自適庶以  
畢於餘齡昔子瞻之構堂遇天雨雪而始成今我湖以  
式遊值積雪而遇晴皆以雪而為名兮初無意於自矜

雪付天兮水付湖是雪湖兮誰爾爭漁父不答歟乃一  
聲杳然東去湖雪自明


御定歷代賦彙補遺卷四

謹案卷四第二十九頁後一行而亦絕無逢迎他  
山與大溪意刊本與訛為今改

第三十頁後八行而東西兩巖刊本兩訛西今改







校對官庶吉士臣張能照  
膳錄監生臣平達

欽定四庫全書薈要

集部

御定歷代賦彙補遺卷五

御定歷代賦彙補遺卷五

都邑

帝京賦

有序

明顧起元

維漢之盛  
歲時陽大荒落吳人顧起元以澤宮之役待闕下仰觀

帝京之盛高軼千古於都哉神駭目眴退而深維古昔  
涂歌之義聊擷謳謠謬攄鴻景夫長卿上林淫思百日  
太沖三都綴筆十年余伏在草莽無繇一覩金匱石室

之藏記遠悉於西京錄近慚於南部挹海未期揆天何  
有顧惟八風來於里衛盛世所未嘗遺矧際昌辰穆玄  
流義豈後於擊壤哉昔班固張衡並賦兩京宏達爾雅  
追跡揚馬然或侈其宮室畋獵之盛指瑕為瑜或靡行  
非事實詩人之賦麗以則何其爽歟文獻可徵用以揚  
國家萬年之祚若夫太平之虞娛如二子所稱引懼非  
所以軌世垂範茲未敢詳焉其詞曰

昔隆皇氏之麗九圍也剖玄黃繡陰陽析木之津拂尾

攢箕用攤絃於北方表碣石絡燕山枕居庸襟何涕邪  
鄰貞番夫餘左界穢貉朝鮮俛而踴虜中原測霄之圭  
步以豎亥土亥水盧按籍者千里神臯隩區是為玄冥  
之所都三五邈莫魁而顏而天効其真以合泰媼惟唐  
惟召是用錫履植菑於茲丹跳喜跼為羸弱姬炎精外  
鬯上谷是守典午變夷或躡而蹂魚脫於淵羯用什一  
以亢唐者八九石晉稚虜狼失其肩俾纓綈髦毳詩書  
任棘不耕而弋者垂五百年遼彝金腥元泚其齒蒼狐

綏綏授余以期我高皇帝迺應天而順人進厥虎臣魏  
鄂曹衛宋穎涼黔命以殍輶輶褫犀比彼小戎之北伐  
俞兒祛衣以濟師厲焱介而輦雷轅闔不應奔蛾伏自  
界乎條支爰建北平耦諸列蕃枯城載藥采攘其根揭  
肺腑而啓宇職外覃乎內尊桓我文皇罔弗帝眷戡大  
憝而回中樹玄旂而輦霆電曾不三載易王而皇緬成  
功於西北規萬祀而為量各因時以據會疇連蜷於故  
鄉雖彼粉榆實徂用荒彼岐山函谷縣周絡漢胡厥不

康而鎬與洛陽於是咨庶尹駝六飛謀輓輅諏筮龜啓  
天府焉奄宅蹕玄扈而臨之暨博鉅而爽闔坐堂皇而  
四馳印眎則天壽霧霑彈琴磨筭紅螺白馬空同蛾眉  
桃峪黍谷徐無盧師八陁橫截五華紛披岷岵聲鑿岵  
壤虛擊投魑罪裒熬密岷岵火不焚木石髓含魚或羸  
或畸喙函罔測頰挹則桑乾高粱金淀玉河海子雍奴  
琉離淳駝驛豸浮鶯沉漑宛渾紛苒周溥沫瀝焉蟬蠍  
冉鉅鰭鰻鮪鱣鯨捷鰭從鱗鴈鰓滿羨稽古則督亢華



陽金臺銅馬駟飛於山鹿倚於埜狐奴羽赤漁陽衣赭  
控烏丸與樓煩扼吭以臨天下提今則左環滄海右擁  
太行塹山堙谷岑銳建瓴扶風馮翊一緯一經參伐斂  
駁而南指蚩尤嫫嫫而西傾爾其物產則北方之美筋  
角千石傳檄不弛黏膠不折虎巖鐵飛躍冶鑒姿鷗鷗  
淬之剗兕崩駢厥產白金朱提慙珍珠琉璃玕璫璚瑯  
瑯雍伯所植琨瑤璚璫瑁琢章相罔致其事迺有庶纖  
稻梁黍稷三種垂芬四擾隱實苾苾幪幪或穎或栗魚

鹽桑棗士飫馬騰千樹之栗厥字素封侔些陸海不佃  
而豐被山緣隰紛溶幡灑馬鬣塵尾魑目鼠耳繁桑枰  
櫨丹漆文梓扶筵後楸或秣或麥布寫呖貯蜷曲欒危  
棟梁規萬摎纏伐倚煌煌扈扈不可婁紀玉衡之精果  
蘇是標王母金梨炎帝玉桃蓬萊杏酪嶂嶸棗膏魏郡  
材禽大宛葡萄紛運衰以苾虎酷馐溢乎醞醪陰萌陽  
芽有枿其傑雨露所濡無英不翹覲鬢紛員遞芬回飈  
相彼溱洧魏紫姚黃金縷攜霜玉蛹晞陽瀛洲庾嶺摻

攏披昌薊丘之植軼彼汶篁若夫風胎雨縠儻儻俟俟  
十慮捭角輝絃婪尾幽都之豹九文陽光之駝千里茹  
黃狴狴以趨趨玄模綏綏以盼昵還山集谷意而繩乚  
鴟撲刺以適迅飢佻佻而倥傯三目之鵠五工之鵠剛  
蟲擱然翼羽喔咿未若玄鵠決雲霧虬應表雞斯華聊  
金眸玉爪繭日馭而媒龍搏風輪而排鳥側愁胡之僂  
匹度古疆之騷褻懿彼人靈幽并之翹翔實優繇少慮  
不雕勁骨衡閭勿蘭以佻風雅詠蕩六州所招若夫曼

碌橫波蛾眉揚清便翺羣約微睇傾城李文須搖以兀  
動綸袪戍削而赴聲紛紛袞袞與子目成跼展嬰肩提  
旋所羸爾其探丸脫劍俠遊索耦知深勇沈介倪夷詬  
羊角烈夫左伯死友軻光漸離悲歌屠狗豁呀落薄曠  
目沈首唉郭樂之寡謀嗤行辛乎何有載若擔登躡屨  
相印夕綰獵犬既亨釜魚終免詩先匡以頤解書借羸  
以瞽諫秦代粵卒而披攘毛申恣茹而墨悞此則應侯  
之膝屢前茂陵之歎何晚也乾不殳符坤罔襲珍微今

勿創微往勿因爰召五鳩致役兆民雷動版築之杵水流少府之緡於是婁砥墨爾司植輸引繩番既力量徑輪眠袤直隆神居麗天色湯池憑淑雉堞截薛八區旣衍九門斯闢規垣樞於紫宮稽將作於營室然杉漂檣之材塞河閭海之質金碧丹漆之妍瓊琤璵璫之石被江纖隴不脛而集敦胝血拇以湊其植總羣才而效技於曜乾而燭坤滂若金闕之寺大荒兮又煜若赤燁之建南榮樹阿城之將將兮豐修闕之嶸嶸上觚稜而矯

螭螭兮切瓠而灼龍鱗星辰倬倬以宮帶兮龔若乎  
太一之威神金何類其如珪兮玉梁雌霓担橋而挺帝  
兮辟邪眇眇動而躩跢乍玄飈鼓鬚鬚之散髻椒圖鬚  
鬚頤以狔狔何中天儵霧縈之因显也銳銀閭閭幽輻  
屢屢櫺林構櫺虹宛雞栖盤紆戢香以相支持俯拓地  
梁仰協天維罪鬼習恍踰笈單迷詭文迴波菱杼沴抱  
淌游瀼洩芒繁曲撓潰泓窈椒攀霄蹠霓精搖靡覽怵  
憚眈眈閼宮有洳太廟夾室龍旂大糖配天無極爰建

中土太社太稷五土攸殖靈星翼翼峙左右而鼎建耿  
中天之嶽立奉天靚撫乎帝車華蓋俯麗乎河魁文華  
崕嶢於天市武英蒨施於少微文淵恢矣而東造五鳳  
鞞鞞而南飛莫不梁茄井藻栢杏楣芝螭蛸螭獲金鋪  
璇題瓊溢玢幽栝板閃尸赭紅葩而狎獵倒丹璫以陸  
離辟鏡熒煌於輦檐繩河環帶於玉墀駛駢紆商駟兮  
清瀏岸客葛葛髣若舒蛻離婁赭翕絳以丹髹兮北垓  
崛岉魚頰而鳥睦於是微以周廬表以井幹紫垣言言

摩霄拂漢西南其戶兩掖二華倉琅之根椒圖以綸宿  
兵仗以為衛辟朱戟而誰何路寢載闢筦簟燕閒泰寧  
象乾椒風發越莖若連蜷彩鷄襍褫乎東廂鵷雛雖蘇  
乎中間擯虎賁以擢飾挹翡翠之華旃甲帳啓而黼幄  
張兮玳瑤合而阿錫捐步閭易以瞭眎兮眩彼金璧之  
駢田穢女問之七百陋後宮之三市爰有六局十一監  
俾姪娥充依巷伯涓人以修婦職供內事罔列屋而爭  
妍毋珥璫而貢侈瓊華之鴈太液漸之影娥瞻鵲兩臺



翼之承光納乎駿狼樂成柴乎明梁水龍攫拏園兔迷  
離葯房霍靡綠天參差破靉靄穿院陬樛流屏顏縈青  
縹碧跼重繭而不任趾屢枳而幾齧轍乎危峻之特起  
屹不知其幾千萬歲也爰啓玄時以禋上帝日月星辰  
以璇七位瑤瑰其閣琉璃碧砌亦有黃壇以御富媪河  
海岳瀆佐彼五神捍災禦患以為國楨權火臚驩菁蕭  
氤氲函蒙磬隱鬼趙神騰昀昀籍田鬱鬱繭館黛耜朝  
引玉璽晨浣御總轄以九推衣青翟而三綰上陵美美

峰砥峻夷絡以纔柏隱以金椎三選七遷之家珥貂執  
戟之師遊衣冠奉禴祠者駿奔走於歲時若迺庶府星  
羅百司櫛比秩稟周規曹開漢制三事六官紫綬綠盤  
奉常尚璽典客司隸執法納言同伯廷尉中涓駙馬餐  
錢奉邑冠軍衛尉羽林虎賁之屬啓守寺建甲第高牙  
畫戟縑獵鱗次扶櫨重櫟廊乎其辨堂陞也金馬石渠  
虎觀鴻都著作之庭纓緹所儲蘭臺職於太史白虎典  
於諸儒鈎盾輯濯冗從散騎山郎黃頭裨官權市靡不

列肆而居分曹而肆嶮差次而旁蠡執相輶乎指臂少  
府水衡累鏹藏緡太倉之粟陳陳相因束芻總秸白粲  
鬼新蘭錡迤夏五材用張公矛勁甲谿子中黃負蘭渠  
答捏畢縱橫沙苑百里紹繚周垣金粟隱飈玉臺造天  
駒駢山子歆秣其間阿房千仞徑廷阨陟昆侖朱儒角  
抵枝梧滇南之象麟輶其下春蒐秋獮躡收載事司馬  
之法耀吾軍士驅劉雞翹魚鬚豹尾期門飲飛材官緹  
騎六郡三河其麗不億中權後勁師干之試飛旆彗空

長轂雷地抑又漢壘之雄胡苑之利也紛彼靈囿葩若  
金仙苾芻羽衣列館勑壇蓋以百千秉神道以設教歷  
清微而叩上玄雖阿閼之一瞬鬱祇洹與優旃堞嶺隍  
壑駢市闐廛瓊宮蹇產而鏡日浮圖鬱聿而刺天別有  
四夷之館藁街攸植象胥舌人以通重譯高昌緬甸八  
百女直因是以奉文間陳玄猷明駝象馬碧盧江歷魚  
支鮫鼈菌鶴翠翼日月天府歲時赤奕僊華夷而修穰  
奠丕基於磐石於是上乃進股肱之美若英若成若義

若攷往暨汝心以基予鄰畛包歲入天縣淵淪散皇明  
而燭習闇突流并而致無垠攔神明而定摹斧以之  
幹縈守成憲而拓坦垂景炎之炘炘於是紹天闡繹聖  
心殫法東方璇榜金鏡璿發滌聖域之蕪穢揭玄夜之  
日月返人性之流通敷太素於玄德孔辟之藏秦坑之  
漸諸子苓奮其知舛馳啓天地之大全俾井窺蠡測釋  
夏蟲而陋醯雞昔天水氏之在御也衡元龜程御覽雖  
事侈於丹床而議挂於縹簡乃集羣彥要提玄纂披琅

函於岫嶁啓瑤繩於宛委規塊北洞神鬼繚繚呢齟扶  
輿猗靡金匱石室雲譎波詭於是樹閣臣以典璿璣正  
六卿以襄八輪稟淳和之淳鬱登羣生於太春鷹揚之  
校貔虎之羣隸以列衛統以五軍泰阿垂芒毋倒其鎛  
起亭障以禦胡列薊門而為九宿重兵以扞圉懼挹衲  
余左肘雲帆轉海若隱不虞恭襄浚濟以峙儲胥飛輓  
仰給銜舳趾臚玄流澤渤飈馳勿區東燭扶桑西耀垂  
榆南炯金潏北煜幽都土干淳泥蘇祿麻刺魚貫蹕殷

猱牽擒擲莫不坐參搏拚變鷲影接臚奏萊幣竭慶丹  
闕人靈叶天苞發銀甕溢白閭軋腐身馬蹄素文墨質  
或倚王囿或湊殊域七十二代之君方斯蔑如也天下  
有道礪礪四隅天命不愆疇敢以愉平不肆險王用三  
驅帝下旬始魯台其梟螳拒鼃怒以馮天驕淇國左次  
殲我前茅乃六玉虬曳雲梢陳七萃虎衛之士三誓厥  
巢燠陰山南斗杓跂跂季犁黼黻遊魂虎謁是櫻睽眇  
童昏若英若黔跼距騰驤士樞樞斧蛾蛾以徵不王朱

縵白羽風櫛雨炊幾十餘霜卒剔鱗介而冠裳輾姬輓  
姒治祁斧姚日嬪月隨朱車燭燎謹娶執齊兆人鐵螭  
紗縣九州而不窵者實惟九朝濠鍤驚於淮濟振瑾薑  
於弘石也先魁於淵曜劉趙鈞於蹻蹻吹壘導隙雷鼓  
颺合靡不兕仆猊格角崩面縛掬蹠淖於沃焦徒蹙竦  
而瀟率雖太寧失東勝徙兀良跳朶顏詭粟肩臂絀脣  
齒然傳烽舉燧匕戈衿甲虜巨於金元守亢於程李矧  
三輔之降胡潢池之赤子雖披髮而野祭間揭竿而中



起辛有絕歎於陸渾國氏無事於萑葦也繫二京之並  
峙振遐紐於姬周百寮萃從沈溶而星孛雲罕兮萬方  
漣沈澹灑以鱗集羽浮瀍澗汧渭恧茲海流嶠函卽鞏  
峽嶧部婁彼歷祀於八百此胡不撫萬期而無憂派派  
森兮光明晞閭澤豐兮雨裔裔威之播兮神哉沛復隍  
戒兮苞桑繫有那居兮亘萬世皇皇乎丕天之大業疇  
其麗哉亂曰奔入於困回浮於玄神符來兮醫閭作鎮  
養在數中區開兮崕岍虜豁大海蕩蕩河濟迴兮負

陰面陽提緯赤縣首埏垓兮殷賑輪困躋躋輓斷網緼  
雷兮曜靈遙皇神飈簸滅驅氛埃兮瓊宮肅肅豐涌旁  
魄覲紫微兮誅彼帝居焱回揚靈闔四扉兮案行霍漢  
蹢躅睽睽鴻晶輝兮坤靈寶勢蒼昊純殷奠崔嵬兮甘  
露珠綴玄醴泉涌賁物歸兮煌煌帝京天秩孔明苞符  
積兮茂世豐規麗宇建則聲靈奕兮甄陶國風榮鏡宇  
宙神漿溢兮華裔萃驩人神總祐時萬億兮上天之緯  
爾岡爾陵承松柏兮邛郫奠鼎本支百世永無極兮

北京賦

明錢幹

惟皇明之啓運太祖膺景命而龍興廓區宇於一統開  
萬世之太平會夷夏以朝貢迺定鼎於金陵北睽天府  
欲營神京肆聖皇之嗣歷宣重光而繼明八紘被乎德  
化九土藹乎仁聲六氣調而四時節百物遂而羣生寧  
撫盛世之熙洽運宸斷而經營建丕基於不拔實顯謨  
其是承按輿圖為幽冀之域驗天文在箕尾之星故其  
形勢之宏壯也左引齊魯前瞻伊洛右控晉代後負營

朔長河繞其襟帶雄關固其肩鑰碣石東峙而崢嶸恒  
山西來兮巘嶸元氣結於鴻濛榮光燭乎寥廓神臯奧  
區茲乃天作於是導玉泉以迴紫屹金墉兮揮霍池隍  
溢夫玄波樓堞參兮碧落度景測日考卜揆時象法皆  
陬徵能般倕奠崇基以正位構瓌材而究奇於是新宮  
禮殿儼乎中央應微垣兮建宸極考重室而規明堂御  
樓拱其翼翼禁闥闢而蔭蔭既婉孌於東序復繇絡兮  
西廂糾蟠螭於玉碣架飛虹之繡梁應龍承隅以屬員顛

威鳳翊宇而騰蹯震震爚爚照輝乎日月  
萼萼列列倚薄乎昊蒼雲闕特起鬱乎  
巍巍天光翕輶於藻井霞彩煥爛兮  
芝楣金鋪耀其浴月璇題揭而承霓軼  
雲雨以上出盼河漢其下低曠平視於  
千里屹雄壓乎四維遠而望之類雙碣  
之對峙迫而仰之恍三階其可齊其下  
則峻丹陛敞彤墀開鳳掖樹鸞旗玉輅  
煒煜羽蓋祿襪周廬期門列戟欽飛於  
以壯國威於以宣皇儀引冠裳其肅穆  
垂劔佩而歲蕤貌萬殊其詭異語重譯  
而侏僂

咸稱臣以款附頻興賁而來歸時朝會以黜陟厚燕享  
而懷綏此聖天子朝百辟撫四夷政令之由設而惠澤  
之所施也若乃大社堂堂清廟奕奕壇崇園丘田數帝  
籍備法駕警清蹕離禁庭莅齋室颺煇燎以晶熒燔蕭  
鄉其芬苾廣樂鏗而隱鞀麗陳舞其翕習儼對越其若  
臨祇禋薦而惟一謹禘祫以追遠秉耒耜以躬穡此聖  
天子享上帝徧羣秩尊神祖以達孝先兆民而戒佚也  
有嚴青宮有赫丹卽翼帝居以深沈直禁城而弘偉睦

藩翰於九族固本支兮百世內則武庫奧密鈴閣蔽虧  
迴隔風日高摩壁奎庋祕籍兮充棟侍禁兵其如抵外  
則六卿之署五兵之府臺院駢羅監寺旁布當國鈞者  
臯夔參廟謨者方虎其苑囿也山聳蓬壺海環滄瀛佳  
菜夏煜芳為冬榮木連理於雙幹芝毓秀兮九莖彼祥  
禽與仁獸或文羽而奇形園亭育於兩間效徵應於四  
靈其廛市也闐闐繩引甍宇櫛比人萃五方衢通九軌  
騎雜還而成行車駢闐兮挂轡凡陸產與川珍恒填邪

而溢肆會萬國以懋遷羅百貨而銜異至若橋門控地  
壁水環淵番番耆壽矧矧俊賢彰衣纓其成雲浩竹帛  
兮若煙競儲才以待用頻養老而崇年別有元戎禁營  
列侯甲第家有犀渠門列蘭錡力可齊於貴育爵並聯  
於許史席世胄以耽榮盛軍容而揚武此規模之弘遠  
為京師之巨麗是皆聖天子順天應人居中圖治實作  
極於四方求貽謀於萬祀者也故宜致民庶以赴工感  
天地而召和膏露降而流液醴泉湧其成波景星騰輝



於霄漢卿雲煥彩於山河億兆悅豫臣良賡歌豈比夫  
誇子來於靈臺播民和於洛室尚紀詠於詩書流無窮  
之聲實幸落成於大壯共登歌於吉日瞻天顏而獻賦  
揚國美於無數繼以歌曰猗歟皇都居厥中兮鬱鬱宮  
闕何穹崇兮成之不日茲駿功兮啓之自天在宸衷兮  
四海九州此會同兮萬億斯年實祚隆兮

北都賦

明 桑悅

聞北之為都宿屬於箕地名幽州神堯之聖域召公之

賢丘地勢累崇蹠蹠抃抃齊魯為柶綴趙遼作旒東  
阡迢迢而左達太行巍崕而右邁滌滌無涯峻峭莫儔  
天合其所人凝其績築城伊減作都伊匹規乾準坤以  
究安宅五門環環千廬抗抗雙華嫚嫚丹闕額額峙以  
文武列以順掖東連宗廟西靠社稷南薰仁智前經後  
緯思善翼善左輔右弼奉天前迤斷斷特特若園倪之  
無極華蓋中衺鏘鏘鑿鑿若春盎之可即謹身後擁瓌  
瓌赫赫若混沌之未劃悉昉其桷悉扛其楹剡柱乳楣

巨纖剏墀構櫺禁楸疎戚剏迸陽棲其正陰止其冥懸  
魚泚凜而下垂拒鵲嬉暉而上騰彼榴榴之雄梁夥崇  
壘而獨承羣材膺職渠渠乃成遊行之區爰營西苑泓  
以太液之澌澌峙以瓊華之死死池則汪洋漫衍漶潢  
潭沲謁以江離芙蓉點以芳藻綠荷含英吐華醴醢薰  
波島則巉巖磊砢弗鬱危綳太湖輸精武康貢英溥平  
泉而不即眇艮嶽而弗登乃纂崇基殿以廣寒古柏十  
圍矮松百盤俯雙橋之千柱仰萬歲之層巒南牖之中

亭館縣延迷以綺錠複以粉智東南其戶寒暑攸偏涼  
登洗髓之域和躋浴沂之天惟南有園釗釗娒娒臺名  
呼鷹歸則雲齊規以楣桓衛以危桎佳實累杈灌木垂  
棧幻靈芝之萑萑茁紫脫之萋萋蚊息蟬動鷺擊獮起  
或并命而比翼或兩額而三蹄以至大月一封之駝黃  
支獨角之犀昆明吐金之鳥三佛吞火之雞天山識樂  
之帝江哈烈弄毬之狻猊亦安薛公之鞠養受毛丘之  
羈縻環以靈沼劃以崇溪水禽淵魚隨方躍棲悉涵負

乎恩澤動濡爛而敷祈

南都賦

明 桑悅

明之南都宿分於斗職域於揚斗則日月之所佐祕五  
星之所乘營是謂天維揚則拓土畫疆卓犖兼并是謂  
地綱論大形勢桐柏之源東馳般汨揖濁濫而招沂泗  
者於此乎會岷山之支東累繇衍出庾嶺而包彭蠡者  
於此乎盡誠江海之都會也山林之總轄也而况口以  
三吳足以荆蜀八閩二廣可伸可縮堪輿之精盡於是

矣細論藩屏則天設雄塹表以鍾山楊以長江山則掩  
諂崔聳艷歎峻翔表塊礪盡尖台嵬亢截業墳兀追詭  
廉盪晴兮黨黨晦兮璋璋氣雲薄兮擬封秀霽挹兮可  
捫江則膠戾蛟毅砰湧便注丕虜瀕溢湑混澶決逢潏  
溶瀆洛洞泐流漚兮格格允兮統統喜云云兮穆協怒  
趨趨兮讐闔均山惟榆丕江乃桑如韓孟之齊騁類楚  
漢之相當挾以石頭秦望之蔓麗帶以後湖元武之汪  
洋嶺一頡兮千熊羆浪一頡兮幾城隍欲纖摹其詭異

洵一挂而萬亡其洞則有華陽玉柱良常羅姑各有真  
府神切天竒門隄隄兮混沌未鑿室罔罔兮氣化馴剗  
丹崖甲乎連櫬翠壁貫乎稜觚其泉則有白乳一人王  
兔喜客婁地籟之于于垂天紳之默默斂川后之津液  
菑山靈之骨脈雨或嘲而囂囂風或譽而嘖嘖其池則  
有覆杯石墨天淵蓮花昔人留兮指爪朽名潤兮無涯  
又有堤名太平堰名余家瀨名投金泓名丹砂九曲霹  
靂溝河澍粲芳草躍馬澗河清華又有田疇則黍稷咸

宜桑柘斯植水耕火耘風經雨織一犁鬃鬃兮斛粟半  
筐縹縹兮尺帛真中華之心而四方之極者也帝省山  
川可為皇據惟古帝王或命於陶或命於牧惟豐惟鎬  
文武是屋儲茲地髓以俟天牧於是役吳載柞命晉其  
耘宋齊為畚梁陳為斤其建金華赤烏玉燭重雲太極  
清暑之俵麗結綺永安之青蘊孰非先埽我金門之路  
清吾玉殿之塵也哉逮元脫紐宇宙沸轂閃茲地也鬱  
鬱葱葱暉暉煌煌增渥補泊銜紫浮緗虹經撮彩雲緯



成章旂兮若燭龍之燄裕兮類若木之光盪踞虎而將  
躍暈盤龍而欲翔其在山也硤谷就實危峰增鉅煜乎  
若巢金之欲彰其在水也漫汎氤氲逐泛淖揚灝乎若  
頽波之弄西陽裨竈瞻望而躑躅景純睥睨而周章非  
名都之將建而先發其祥耶

蜀都賦有序

明闕名

按蜀居帝議政之方王氣或流又帝會昌衍祥故山川  
甲天下而風謠表八都先是作者揚聲布美揚子雲左

太沖率擅芳韻顧鏤金刻玉不無遺輝王右軍每有餘  
慨洎陳承祚常道將志紀誣瑱且物換星移滄變桑更  
規昨律今烏能具據歲在戊戌小子侍家大夫叅知是  
土歷勝攬竒頗有興抱繆擬細響欲振洪鈞會家大夫  
新膺浙敕遽鼓枻東歸尋罹莊歌游以卜泣抹杀觚翰  
越甲子又南征鍛翮冉冉冬徂趣覲明州頌椒獻歲樂  
有餘日爰理前緒漫成斯篇太沖言曰美物依本讚事  
宜實苟本實弗茂讚美何繇故茲山川土毛人倫謠俗

之概必根方志窮史乘華而核濫不浮矧有我祖鴻休  
今上駿烈與夫蜀岷幽思遐顙之情敢不稽首揚揮微  
詞貢風聊設巢棲處士懸弧先生互答以畢焉平子賦  
兩京追琢十稔今逾月卒就蕪穢可知匪曰彫篆或廣  
異聞云爾

有巢棲處士散髮蒼梧之野倏逢鵲冠鶴衣號懸弧先  
生者栩栩而來揖而前曰先生適道何方先生曰蜀處  
士曰蜀之教樂乎先生曰樂何樂曰樂孔叵一言橐也

處士听然哂曰先生毋嗔乎燕趙秦晉吳越之區樂固  
有之蜀何樂之有側聞蜀道之難也難於登天鳥道哀  
飛羊腸仄穿曲磴危躋絕壑回澶灌林翁其鬱鬱蕭蕭  
蔚其芊芊枯松蟠壁以罩霧古藤虬澗而挂煙飛湍渙  
而瀆雪寒石礧其漱泉啼猿哀切號鳥鳴咽虎牙蛇齒  
肉吮血鮮峰倒面觸崖虛蹠懸九水無人十山無天晝  
不火炊宵不廬眠眇一夫其隘立驚雄夫而失千車欲  
痛而再却馬亦虺而不前朱顏一去歸來白顛遠道之

人可嗟淚連此土雖樂何如夙旋由斯以譚當令有聰  
者聞聽有明者翳瞻樂且茶矣何孔之云然懸弧先生  
方心羅玄覽之奇又耳悚齷齪之論軒軒有赫其胃挖  
然曰子真然舉人之愁說閤曠士之豪觀乎走請抵掌  
之首其輻徐其轂恢其網縷其目軌以古今之則度祇  
慮乾燥莫竟淆亂生瀆處士曰若然蒙願彌日下風焉  
於是懸弧先生掀髯箕踞容與而披曰探井絡之儲精  
登坤宮之列紀灼金縷之偉圖壯玉壘之雄峙曰梁曰

益曰庸曰巴統囊於蜀岷乎莽哉蜀之為都何鉅而要  
麗而奇也萑閭澶漫而奠維轟壘垠靡迤而居特礧翹  
八埏以為脊屹九閼而豎髑剝辟幾四萬八千而荒廣  
袤括八千五百而邈跨赤躡神有崧惟陸撮其大區則  
左嵯以岷右崿以嶓分江剖漢合潛別沱萬巘於是爭  
矗百流於是競波四瀆啓濬發之遠五嶽表南障之高  
爾乃褒斜列門靈關樹戶瞿塘叩峽固其藩青城劒閣  
壯其宇負三秦以為宸控兩荆以為羽屏禦乎西番之

羣阻域乎南詔之部衍中弘奧洵匪天府於東則魚復  
設隘偏割軫翼濫瀕象躔合川是塞鬼門百牢鐵山成  
棘白鹽赤甲童乎龍從日月埋光山峽如墉陽臺十二  
雲雨濛濛飛鳥避寒千丈凌空神女夢燼望夫成峰石  
鐘石柱寶源何隆三牛對馬讖亦未通曷魚石存曷羊  
天沖文之盛矣三字較工獨拔則樨光浮喜崇天城娥  
城龍鳳仙宮馬騰人立飛凰爪龍西龕塵絕真武翠重  
高大二梁並礪穹窿玉涎灑映噴霧垂虹龍脊虎鬚瀆

怒交攻水有三潮泉判雌雄仙骨丈長呵雷鼓風天神  
護壘怪呈灤東東西二灤瓜芋蔚荒十穴白井鹿化魚  
叢鼓囊滾地嗤彼劉封琵琶高揭野女音聰聖波所濡  
書解狡童夫子子貢占畢峽中爰有呂藏渺居雲際李  
垵崔嵬斬蠻風厲柏柱血飛舟眎塔濟兵匣誰藏魏梯  
誰制鼓宣八陣長蛇陰閉蹟踏石縷餘靈卜歲楚王春  
申池荒草翦細腰永安統歸白帝近進巴子池江城涯  
岷涪帶合括翕秀華塗山葱鬱夏后攸家卧龍接蓬瀛



之霧來鳳曳朝陽之霞踰越高引脂雲重壁遠凌劒花  
石獅踞雄龜停衝隘仙女睇賓四面瞰寨虎跳馬駿環  
堅衛介維君清濁宰官垂戒漏明騰光列花如畫北巖  
遊蘭玄風滌灑華桂吐英葛仙吸瀝縉雲丹成黃帝已  
邁天池罷釣城留余玠純陽九煉范氏事怪木既成文  
石自剖界漁網得雙飛者何解又有平都方言陰主羊  
鳴鹿鳴悉歸諧譜特彼酉陽高屹南柱鑕天石尖獨勇  
莫拒鷹摩天圍百蠻斯撫若乃南渠吐涌渝綦汨流四

十八渡之淼淼七十二溪之漉漉五十八灘之磕磕二  
十五巖之颼颼或成几曲或成巴適如丹如墨之涂瀉  
如銀如金之頽浮如魚如鹿之倩俐如龍如蛇之蜿蜒  
銅柱無底歇神有洲銅鑼不鳴月明如秋髣髴見狀勿  
語成愁摸石則男女卜探蟹而晴雨謀春秋與海通潮  
清濁與江接漚又如鳥銜僧衣注呈金泐雙釵下沉影  
翻金色銜萱銜蓮有鱗在減秤斗側懸為豐年則櫃中  
斧聲胡來洞裏碧瓜安得駭爾鏡臺仙姬時即婺婦多

金帝亦懷德灘城屈塔莫可悲憶別有狼狽野鄉構閣  
檻而藏息木葉記時絲竹弗識剛悍仍其風歌舞沿其  
式海棠有香是曰香國壤連巴西嘉陵環勝中翼以巢  
果山隆窟州名是初金泉朱鳳羽化遽遽二方延佛近  
皈清居鶴鳴天風樂振步虛南岷耽蓬並仙人之舊廬  
金粟儀隴軫接雲北花果蔓門樂亦何極惟姜及張八  
濛若翊穀城富寧宜為靈域有子辭行脩真果得梳裘  
誰遺高樓清逼石鼓石槌倚其器石織石船庀其飾石

龜首旋於冬夏所指可占乎稼穡鶴乘來而遂化羊叱  
去而遽匿溟漠維玄滔不可測又有金堆神闕長虹吸  
盂卦畫於砥條繫若縷金藏而泉碧泉飲而顏朱井可  
以療痛人何以信巫白氣時吐於磁孔之頂紫燄或放  
於金塼之隅浮屠永鎮於二邑聖燈散泛於五區既出  
於有亦入於無是以充國城前安漢城後天隱人英遺  
墟錯繡巷陌恬熙東郊迎富臺存讀書之遺樓仍萬卷  
之舊公侯應於漣洲科首決於灘吼賓人夙號剽勇今

亦武左而文右於南則郡開捷為古稱曰棘都江左洄  
馬湖前湜背鑠鐵崖面流水黑七星仙侶布列崢嶸大  
漏小漏雨霖時傾登高天倉城臺舊營飄飄師來脩止  
脩行銀有朱提乳從峰生夷牢事社域以石城望凌雲  
與祿來並龍馬而交榮大龜乍出小龜合鳴五龜呈兆  
總兆文明維祥維慶多產蘭英符葉如篆蓋穴異莖龍  
透雲臺磨角可驚漢陽峻峙流漢師之威聲其中則金  
川台曜顯輝石門鳴鐘奏響南廣經豕峨之深青衣表

崩角之廣貞婦湧儀君子著象乞子神於應孝子逸於  
養龍女依井而乍坐龍翁尋溪而獨往神馬鳴躍於澄  
淵天倉沙塞而知穰鴛鴦圻上有烈足仰於是松嶺風  
清桃源春霽海棠芙蓉池洞爭麗槐子樓臺水簾溶瀾  
西湖西疇何遊裾之弗曳惟近蠻口惡淚慄慄閤盤梯  
旋霞菁迷草蠻夷暮春遠眺皆獠山都水都羣鷺以標  
凌霄谷聚都都穴保宜架砲與摩旗憑角端而一掃欽  
我武之維揚振九絲以如橐耀武修文俗尚一道光姜

屯與武塔闡王風於灝灝左撫江陽邊絕巴疆有寶作  
鎮南壽齊方瑞鹿玉蟾神臂昂昂文鳳雙翥文光孔揚  
蓉葉吟秋樂爾天堂仙棋仙魚暢八洞其清芳二龍眠  
雲連天高翔築成見龜道成聞羊安遠掇旗天兵用張  
爾乃瀘合蕩蕩海觀茫茫資支思悅砭汭湯湯宋絲納  
安輶軋洋洋九曲同之消澄濫觴馬入潭底龍卧石旁  
思娥結髓煉丹紫房汪童誦於先巖唐子吟於雲鄉輪  
帆輻輳燦焉其物章右達龍湖楚侯是附乃捷乃將漢

方受度赤崖寶屏障懸藩布金庭玉鏡居要守固書樓  
拂蒼青孤籠霧草何毒其封口雷且應而不敢吐木何  
其自行夜劈石而歸夷路龍馬戲赤白而深潛楚魚畏  
玄黃而曷沂沐川如沐人之起坐鼓崖如銅鼓之方鑄  
三公什泥千澗分注魚鹿鳳龍百壑皆赴嶽巖纒聯深  
箐列施半習侏儒之素而賴因之鄉煙草茫然羶辮駢  
駢駢駢其驚轉詣眉山捷域斯廓抱陽環通倚錦覲洛九  
頂高標屹其區九龍聖岡隱其郭海棠烏尤芬芳盤錯



蓮花青衣金翠絛絡燈開曰可卜年黎昭曰可勿藥龍

門隴定神樓仙閣三峨壘其歲魄礪芙蓉之秀削闢四

十餘洞之幽玄構七十三穴之冥冥閱百十二丈龕之

嶢嶢陲四十八盤之磅礴伏羲女媧有跡其厲鬼谷葛

由厥茲桓躍雷神有司風雨可愕光迴攝身神自圓博

伏龜與沈犀共寧丈人並兩母交搏簾鈎上金粟落阿

叱鳴金釜灼三榮盤紆人精咸托八面九勝難窮乍訾

若乃峰月嶺雪崖佛洞仙風雲飄結朝霞高騫治易爛

柯爍接洞天大渡羅目決其河洪榮東秦瀾其川三雙  
花玉環其沸天青夷泥濊其漩臺頤三鶴漱其瀨八封  
瀑布漱其涓鬱鬱姑明復千年硫黃香漱古磬幽縣  
殘墨染魚跋馬飛淵怪竹中之兒啼乃夜郎而斯傳歌  
風胡為乎來一嘯妙於自然呼應莫即其影清音祇誦  
其篇斯山水之孤絕而豪俊其褊褊延接齊通總隸捷  
境臺頤融春玻璃瀉景迢遞峨嵋實維方屏龜旋鼇立  
龍蟠虎炳南瞻大旺快活而靜臨池有法筆峰用警金

華北平燈燈何同飄然龍鵠塵心自冷天社打鼻靡威  
不騁象耳何雄熊耳亦猛九洞之懸榻已玄三巖之樹  
筍尤憬木鐰擊而峰開梵唄流而龍省或得壽於一觴  
或同仙於斯井若乃松醴濛金之漬泓爾家夷郎之沈  
漾雙環青赤魚泔澎盪老媪磨杵以示堅老人現蟹而  
留相龍繫於橋魚喚於浪石倉產米醴泉除瘴猪女何  
來井翁何放沈津葬魚已矣殞元盥馬何壯老駕在梁  
彭宅在曠巽巖墨晃蓮池自邕學士芸芸天章久唱三

不失古節崇名尚秀清攸聚為膏腴上旁極臨邛方列  
維雍崕頂仰西使之高節鶴鳴訪廣陵之霞蹤相臺想  
仙令之擅鑑長秋快道簿之易逢盤陀景昊師之旨銅  
官偉帝賜之濃牙潛泉濮于邛惟淥井飛燄而無灰水  
似酒之較醲羊啗石而成妖牛飲金其何從氣與洞應  
洞隨氣封鴛鴦銜花片葉不容王孫何往金穴棲農翠  
屏點易慕學有宗獠風不滌而敏慧詎風物之雜鍾邈  
究嚴道半餘楚族蔡蒙是鎮旅平惟速懸空百丈雅安

羣谷靈通石鉢蓮為瓦屋大關百步入夷隘陸相公臨  
孟擒縱在目九折知漢臣之忠孝曬經來唐僧於身毒  
平羌滇泐青瀆洄復周公榮聖盤盞湧伏菩薩老君沕  
迭奔逐惟雅多雨雷從洞觸繩索梁危飛仙闕肅飛水  
紫眼斯界荒服於北有纏次參觜廣漢是開涪於左抱  
中於右回龍頂牛頭惟坻則巍嵒嵒五層靈印之臺玉  
屏獨坐金紫高恢女徒依叔樓鼓如雷玄武蛇從石出  
覆舟颺自穴來火烽烽息銅官銅灰寶臺長樂玉堂特

隗怪哉雙鶴喚爾仙才羨明月與清風呀赤城與蓬萊  
鐵峰倚雲鰲魚曝腮大婆小婆望七盤而駐蹕于是飛  
馬有巖見龍有穴鄴瀾射勝梓波雜瀟鳳鱗桃鵝放生  
自屑倒朱揚赤岳安並決波透石以中分火沸波而弗  
熱池瀟筆而成墨樹化龍而遽折文有家而神昭木名  
鄉而獨揭讀書橫琴臺石苔齧曰肝斯剖臺崇有岳乃  
劍外之一都土沃而人傑廣攬巴閬八輔之鄙礮礮塊  
北棧道律起爾其後擁繖蓋前列錦屏帶以蟠龍通以

仙靈印斗玉臺燦瓘如星文城天目道達玄冥嶸雲臺  
之巔屹挹天柱於太清松根蟠桃如春麻姑芙蓉長馨  
峻仙東引平仙西迎曳蘭登與白鹿並蛻骨而化翎龍  
門龍樓萼萼葱青東西南北四龕亭亭大巴光小巴瑩  
金榜爍天榜熒九曲阨七曲陁若大劒之贅岑胡雙闕  
之崢崢彼小劒之嶮刺又胡閣之如橫雁門惟孤雁之  
容征馬閣雖束馬而弗寧七盤嶺之堀礪十二峰之嫋  
嫋白雲鳳詔之豁開朝天漫天之巒溟嶺劣嶠崿于

匪坼痛五婦之不起悲葛巔之遺營憶兩角之疲追涕  
王望而淒清若乃黛玉江如巴流學字清白濱汙南西  
紛泌曲肘揚帆汨乎洶淠龍躍祥而留蹤虎有聲而為  
瑞金劍化而如虹玉鞭獲其何自丹浴變鱗錫卓湧地  
鱗觸則雷鼓鼓擊則雨至仙羊嬉於木下玉女寂於房  
閨母讐泄而來遊欬梓潼之逾異又有擊甌敵萬憑眺  
輝煌堂有將相亭有滕王占星避星藥竈仙香風占五  
城之色景擅十二樓之光峩嶙四集其險莫當惟磽且



确衝益於梁是曰北門曰外戶扼其背而控其吭沿盡  
陰平氏羌巖窵五關隱轡六閣虛眴峭壁雲棧四望幽  
窈崆峒襄其岸石門峻其表鎮南陽開火風陰繚醍醐  
濕滌涪濤浩漕清白木火其滲解古官高大其漫渺牛  
羊羣馬以盤紆鳳龍偕豹而天矯藥從氣馨菁青色貌  
弩牙鰐觚左擔敬倒三峰九嶺連天柱而縹緲君子其  
昂仙女其眺蒼頭峰蒼雪峰頭皦丁平老君大雄斯嶢  
天蒼有麵貯之點燈有炬之燎牀挂宛如龍眠石懸則

如鏡皎橋自天成案同玉晶竇圖真人幽居石紐神聖  
斯兆禹穴可探匡臺可攷何質勁之弗渝而羊鋒刀弩  
之是寶昔從周師今也休紹寶珠赤珠封域有塚復士  
永平壩底暨大印睢水之區咸藩衛而安保十村八村  
之平化聿狂狂於白草乃白馬於木瓜並搖尾於一飽  
高基磨磨不仰沫而馴獲於西則汶山薛城冉駹舊黎  
中藏六夷九羌七氏鴻濛撐其柱高碣列其題七盤嶽  
巖九子帶霓雪峰皚皚春夏長迷玉壘標別風雲時淒

鷹門棲鷹雞宗聞雞慈母瞻峨嵋而近巨人望唐帽而  
低定廉裕民相公天齊若列鵝羊膊之墟岷江於是而  
決六六之聖既為疏馬首之神何其烈玉輪潏潏平谷  
混泄蒲桃清瑩龍沱澄冽惟樓櫓之未張莽鹿角而橫  
結彎弓駕馬如腥嗜獵樹誓埋婢加耒刺血鏐繩虛淦  
花崖赤水其懸截城曰無憂而桃關其焉絕爾則達蠶  
陵羶風闕犂牛駐汶翼活排柵衝雲峰豁環石礫蹂皮  
褐生熟殊戶七路傾軋已豬驕牛尾刺黑苦猛曲山桀

韓胡恣草坡點麻麥轉桃歷勒雙列白羅青板孟梁梭  
雜魯魯九龍卜木星月竹寺之徒么麼莫詰驅則黑匿  
縱則陽劫賚之食之魚不厭獺詎疊溪寧靜希逢隴木  
打喇之能撻又何雜谷達思寒水金川與加渴折入古  
松凝肅實多瞻雪欄坐洮河金蓬牛高則那兩分水胡  
透迤洞吐風氣難呵霜暑飛雪夏蟠萬仞流丹鐵索橫  
拏雞籠房布陵阿三舍葉堂連穴鎮平歸化接窠小河  
漳臘叢窟平番寒盼集窩牛腦伊羊腦安達伊白麻牛

毛以撫羊毛以摩水牛野豬乃鬼乃魔辯如毛吻音譌  
木樹信髑占瘡擣空石路錢科奔突煙飲必配人命抱  
脚絆索惟娑蜂招蟻引先為傳四烏逐河湟護羌是搃  
黃勝敵貢之微永火克嗅且譁賺坑品列輕騎突駝鎮  
虜十三關如之何南出六番蠻獠斯軫胡北連河西引  
龍於鳳雲頂準玉堡璫泥阪潤功則多帝力盡卧且鎮  
漢威愍女壘城威亦北將軍蛻老仙賈五姓老人自慙  
癡絕棧懸棲娛其蠹碣城超二十六種之狺冷磧峻四

十八寨之嶺西腰乎烏思天竺大小西天他他井井  
矣乎大乘法王大寶法王依稀上方乃闡教王輔教王  
護教王恂恍諸天妙境崑崙勿岡而眇近沈黎笮都畔  
三面虛憑絕岸二十四盤卽峽有矸錦蛇欲躍將軍可  
憚紫府飛霞神君灑翰鐘色靈蓋光煥風生崖生何悍  
石髓融仙窩燦天欲參嵐攸竄牀竈具竄亦玩飛水斯  
絕飛越斯扞玉斧所臨大渡斯判琴音闋梵音散渥洼  
湛神駿絆風雨希楠龍灌凜夜义形如𪔐五丈黎法殊

漣愛彼獮曷所衍鬼其風都鬼主於是按松坪有馬七  
枝是鞞曰大小赤口曰大小木瓜均就羈而莫驛瞥逸  
瞥閑仍旄牛青衣之半奧透邛都乃稱越雋阿露盤紆  
小相鬱壘呂金伏天王起螺髻撐鹿角抵青涼藪東涼  
香木托銳旄牛脰白土澌白沙時浮石呈公母峙鐘如  
瓊魚戴錡異斯邛池帝君載止血蛇吸馬迂而匪詭騾  
卧有痕帝筆則哆乃憑懷寧乃度越雋清溪滲淚長河  
迤邐梁孫匄匄納夷奔駛沫若頽溶瀘水漫彌蒸熱騰

煙燭雞爛髓冬奚匪汗夏可渡只度索尋橦窄亦傾矣

銅槽鐵斲之口清關周嘴之淚惟烏白脫蘇是蔓又猓

獬九種是抱而西番而熨子而伯夷而摩步而猓獬

原本

闕二而徊徊漁人厥類有獮赤足垢顏短衣皮履或黑

帕白巾裹布為飾或鼠酢蟲湯鹽肝為旨或盤騎鋪松

火刺為歡或羊胎雞骨牛肘為祉或布袋木甬豬脰為

斂或羊毛柏枝草根為祀以皮帶為饑飽索以潑水為

婚姻禮赤睛黃面夜幻犬豕竊嘴尸肉鬼彼撲使所云



不毛孟風其煽而獠郡有以乃平夷歸化天威克底曷  
黑骨普雄月落無犬嗥而羊咩於是沿西訖南滇黔薄  
楚繡脚雕題依深間阻有烏蒙竇甸險峻增倍蜀道掩  
涼頂肅雪峰險鐵鑪皎我未剡朴窩夷博特儼撒途鞠  
金沙激羅獠夷架棚广娶擊齒口安噤交舉帽禮匪諂  
阿統之所由苒彼東川那札立牛鼓填豬額解白婆拱  
七雄坂睇大王雲弄岌夜有人胡不輒黑水吸牛欄入  
烏蠻饒白蠻急呼以闌板屋蟄曳革鞬頂氊笠割其鬚

尖中翊罵彈之所由習繫巴的兀姑麼兩徙蜀百盤跛  
大隱岷烏門珂翠屏森石洞珂渡有七渡曰可九十九  
渡宜叵族麇配配亦左病不療神安妥阿蒙之所由簸  
尋芒部大雄徑入崎嶇上蹭蹬硤砌橫綽紐徑烏通翹  
樂安燈苴斗潤納沖應勿食渭白水亘白鳥疾托諾寧  
勁而朴遐荒孕壠畝皇粉黛聲鼠街趨子日勝統子之  
所由定咤永寧九姓者巢筓寨不近賈垂其髻跣而野  
鋤鍤餘弩弓把四面翠如屏厦馬口嚙紅崖赭土保營

海漫跨木案塲匹絹夢烏降攢西珠夸雪巖琳青龍間  
水東洋赤水灑通江湯漁漕瀉是祖叱來彌所據乎蘭  
也嘻播州郎蘭沕熨西交牂面逮溪洞曠澗林隳幹壩  
右拒三渡左回烏江截前石虎阻背白田中僑海龍肘  
駝重坐複關顧瞻曖曖定軍噶錦屏藹鳳龍睨豹馬睽  
拱辰環萬丈鬣筆架嵯梯子殆兩盆參紫霄夢桃源遂  
櫃巖閼湘仁洪統烏匯落涓郎郡安藏虎鼇思並蓉潰  
染我華風郁彼夷采鋒刀勿屏漢服顧愛媻媻銅器有

儀集賓橫笛斯在五司為輿七姓為載楊太師威德之  
是又窺石柱夜郎雪瀕荆湘均柯罨諸洞盤毗晏塌馬  
頭叩飛鳳翔兩崖穿萬聚市傘布寨鼓樓鞞清潭瑩三  
江合石礮土瘠蠻巴是還大蟲虎什銅牌攸閘至酉陽  
亦牂龍黔彭鄰五溪涌火龍升酉陽簪唐何泯巴隘鞏  
三江岫楠疊洶漣漣呼飲足簪麵化石餅足簪花布服  
長刀踊寒伏崖燠獵隴券以木姻世寵曰十二里忠孝  
戶九溪十八洞之苗種厥種惟三冉家維拱暉邑梅酉

居坎城山黯轉音慘壽靈靈擎團塹三鼎族文韭噉  
黃牛膏腴感地澄搖凱過撼木浪白白胡糝苦蒿鹽鹽  
胡啖姻畜較疾祝倏溪洞扼要斯佛鄉之為黥究平茶  
則黔據團秀特岑仰踞雪符稔百歲著牀粟挂侯英翥  
溪尚盈哨聲遽捕獵心侏離語穀炕然殯唱助曰南客  
古難御而荒甸此焉悉禦於是四維聿肅列屏攸張成  
都中起境宇是皇爾乃從太少之峻垣俯八百之沃壤  
開芙蓉年馬之麗秀耀太玄錦官之巍敞武擔顧員負

其雄汶流消溟環其廣浣花濯錦宏其規駟馬萬里逞  
其象按中區其曠恢橫八眺其塏爽昇仙並天回較鬱  
威鳳與龍華競騰六對觸西面而起鐵鑪指應天而升  
二脊對九頭而聳三門向三學而弘赤岸光接於繁麗  
大塔輝吐乎聖燈三嵎勢連於鼎印金車抱玉屏而凌  
瑞雲香雲崛崎石矩佛巖幾層鳳笏秀立井鑊神登苑  
香鐵銳石鼓戎憑磨王雄據玉女乳澄雙湘棲乎金鵝  
兩室會以仙朋盤龍中國可景重龍君子有稱柏茂霄

卓玉京雲蒸天台四明峰景是徵將軍威峰武攸振書  
臺華萼文聿興異鐸影之迭流與晦朔而相仍至夫灌  
口既疏離堆沫格便傍分華夷之眼靈巖樹風雲之宅  
聖母多仙會之所丈人為五嶽之伯天門天關崆以峴  
天國天倉即其闢三十六倉衍而嶠七十二候通其隙  
若焉八洞八節相繹第一青峰靈以蠶五洞天兮胡焱  
焱隴九壘以弘敷景一朝而屢易葛瓚去以餘名陶朱  
仙而留迹大隋甲於西中隋特其白三面回九頂迫嘅

龍安於鐵砧悲馬金與雞碧何麋鹿以成市笑猥獮而  
色懌稠稷平蓋其僊宮鶴鳴平岡其道客大蓬小蓬蓬  
鳧是藉龍角龍居龍光是奕什邡侈雍齒之榮鄧通擅  
銅官之澤庚除顯樓臺之幻武都化王妃之魄龜決勝  
於牙旗猿樹門而如戟水岬可溢而可乾章洞風旋而  
火赫春氣迎於浮中磬聲聞於磬石獸目啟而名清牡  
丹開而麓赤大霍洞奧於龍潛大匡頭皤於仙謫靈臺  
毓天師之神寶圖化金丹之液誠富樂之可賞宜快飲



於疇昔若乃都沱大皂之瀆淪三郛九曲之回漂中資  
湔沫之疊糾石沙馬鄒之遠繚光以珠煜味以酒超羅  
以紋合雁以金嘹清白見志之濯濯廉讓著節於昭昭  
衣浣而百花散穴起而柳葉飄箭三發而河湧拳一擊  
而泉搖飲毘羅於摩訶通王氣於甃淘肇七星八角之  
勝厭九宮三台之妖聖神靈孝子應妙萬歲千秋之利  
饒章亥疑弗步杳窅安所躋於是叶其都鄙之殷城府  
之實土美風華三吳甲乙野則原塿翼翼澮沔汙汙堤

塍繩曲畛啜錯紘宸隆畱畝膏衍腴墳引都堰以周灌  
疏二渠其繽紛蔥蒨黛耜載耔以耘冬稔夏穡種莠攸  
分揚條布穗垂穎鋪菜柘芋如墉稷黍如雲雨順土濡  
日煦風薰爰銍爰肄饁勞餉勤爰登於場婦子以欣熟  
薦爾祖有飫其醞穀嘉酒旨父母融融輸征貢賦用佐  
國軍有魚有稻凶不失羣茨椽枳籬三五為鄰夕編乎  
華旦葺於宸採桑筐繭絲理純組以虎鷹茜以猩猩  
緝麻綰絮捫縷密紉栗朽布餘盈箱羨困雖乏國富亦

鮮罄貧衣冠貌古盆勺意醇比宇相友載穉相親駕牛  
鞍馬招姪訪姻蠶國有歌匪風維幽維哲維乂搜丘索  
典匪林獵不裁匪法玄不翦童誦師絃龍譚天辯握槊  
飛觚蚪文蝸篆圭竇繩樞性繕理闡破藩釋蹄扶微披  
顯摘藻拔葩雲舒霞卷乘明邁昌龍驤虎變維健維豪  
肘鞬腰鞘習胸臆之捷步濮賓之票秋獮春蒐淵聚林  
哨擗罌設爵鷗鷖鵲眺張罝結麗縻趣兔越直髮狂趨  
墮冠疾詔驅狡盧鞭烈驃逐兩肩發隼鶴踪蒙茸遑翟

蓼放弋絲下餌釣鰾遠鰕造鵠嘶鶴叫眊未眊燔茅燎  
野火炎巖谷耀盈輜滿載款賓獻廟咆哮獬豸族嘻攢  
嘯驍悍自恣快爾年少市則郭郭四匝巍雉接陴開以  
九市經以十達連闌帶闌甍以傑池夷街曲隧橫驅直  
馳旗亭迨揭厖閑委蛇肆門邸戶充牣棊惟卓氏是  
術惟程翁是儀褭蹠赤仄厚挾高貲翔貴徵賤競巧鬪  
時二月惟望蠶市之遺月有十二市各有期方物畢陳  
土珎咸披爾乃飛走鱗介之品食飲服御之宜木果花

竹之屬藥草瑰珍之奇藏異域所不藏資中土所必資  
果則攄桃榘栗蒲桃餘甘橘柚松棗紫梨黃柑君遷如  
妳給客有柑荔枝紅顆豔妃所耽王廖綠容如何則貪  
不花而實玄說優曇木則羅紋羅漢榮漆買子黃閣香  
緣樟思攄杞馬尾羊尾交讓連理茂欝吟風赤杉比雉  
惟珍則楠鐵頭拐子香杉闢柏棟梁是倚花則酴醾巖  
景蕭牆翦羅四色木蓮五色紗羅豔膩爛映錦綴高柯  
鳳尾竹石葉上素和有繁山礬皎如玉磋牡丹千丈洛

陽並嘉紫英的的長樂名嬌海棠心馥伊蘭侑佗鬢嬌  
髮華陽麗婀娜聞曲則舞美人則傴竹則有梭有桃鳳  
尾龍頭月茂慈脩斑有花斑青黃紫白厥苦殊抽篴稱  
防露戕利如矛嬋娟籠煙相思淡幽冠者惟筇大多輕  
柔藥則國老天南昔邪昌陽鼠姑會及即子陵郎連及  
示姑陳知黃良周麻雀羅天花餘糧顛勒思仙百倍膠  
香乾歸房圖百蜚天雄王連厚皮黃斤救窮常山仙茅  
牽牛木通鬱金金星巴菽槿穹紫背龍牙太一玄精金

毛狗脊王不留行骨碎補巴戟天補骨脂威靈仙郭使  
君子名以兒播護羌使者不風而顛凝水而飽硝石永  
年隔河成金文章欲仙岐黃有未品倉扁有未研飛則  
錦雞馬雞白雉鳴鳴孔翠子雋白鵲言鳥念成舍利佛  
性自曉漢不入蠻語亮心悄欲歎哉秦吉了走則羚羊  
香麝犀象獐猴狝猪香猪犂牛犏牛熊羆猛氏獐豹騏  
騮名猫玄獺竹狸竹鼯吮鐵氣充噬毒聲呦雪吠日吠  
叫窾之孺怪有驅氓人質虎彪鱗介則鯉鮓鰮鮓鮓

丙穴佳斯魚舅鯢如兒咽黑頭鐵頭嘉則稱拙白蟹文  
龜鳴黿命鼈應鼓龍靈穿山蟲烈食飲則天師之栗桃  
榔之麵青稞野春香稻芳薦邛笥鵝兒良醞斯宴釀花  
釀深引藤攸醺蒙峨獸烏春茗團片黑白井鹽囊升筒  
轉井油井火積陽所煉菜有萼綠筍有苦紫辛香匹桂  
百尺艾子蔗霜白蠶酥油丹椒細條之嫩獨本之蔥將  
蒟醬而侈服御則絳葛攢絲氎衫統裙氍毹毛毯氍毹  
繒纁麂皮斑布撞花綃紋纖麗惟錦霞綵氤氲花竹涼



簾蘇薰暖席楮紙粉箋薛濤蓉滑蠻箋品十霞箋韻百  
松花金沙學士名蹟光涵寶硯牛溪之磧白玉花蕊玩  
且疑壁陽射彩流放光神石松屏鋪繪道然天盡奇有  
筇節靈壽並策策多桃枝桃笙則澤酒注竹根杯剖桃  
核紉簪輕盈金輝玉奕銅鼓雷轟諸葛是赫又有銅鬻  
大王寶藉行窩雅爵神物莫格瑰珍則礦鐵穴銅鑠銀  
麤金黑鉛白錫草節引鍼二碌四青曾青空青琥珀瑕  
英淵含石醞不可殫名於中則巨族名家高門華閥飛

閣層樓崇觀丹闕東第鱗眴甲舍嶢岼畫棟雕楹鏤雲  
藻出浮柱嵬峨重巒岌業食鼎坐茵鐘鳴鼓伐珠箔繡  
幃綺幃瑤榻通函接局目眩心惚若乃王居之壯帝胄  
之尊彤庭瓊廈碧瓦丹垣承運啓殿金水環闈禮仁智  
義弘擴四門鋪金鑰玉祀琇璫璠飾以璫璧鑲以銀錕  
績以蛟螭文以鸞鵠檐獸斜逐桷禽高騫離宮別館星  
星鱗鱗沼瞰南苑榭晞北園迎風繡檻嘯月華軒林葉  
菁蔥花鳥翩翩舞歌嘒呬簫管譁誼瓌瑋雄麗是稱首

藩蜀秀才皇之宜崇且蕃至其莅庭官署理宮片學啓  
禮殿石室以重輝披聖圖賢象而再爍臨以神明迪以  
仙覺秩秩紀常莘莘禮樂水鑑冰簾青氍絳幄詠詩說  
書古商今權贊宣流化揚激清濁簾鉉鐘磬階靜敲朴  
挽澆追醇斲雕還樸訟簡刑清歌雍舞箭風尚質文政  
稱茂卓士俊吏良濡涵露渥又其梵宇琳宮之靡蕊珠  
丹玉之盛金碧焜煌琉璃掩映大慈昭覺法除垢淨玉  
局青羊教彰清靜座著老君牙傳佛聖降獅伏象超悟

心性水火風雷救厄度命三煉還空五戒持行開緣疏  
業祈麻衍慶婆婆姨婆塞頂禮陳敬羽衣羽客趺坐嘿證  
洞府禪叢千兼萬併又其奇蹟勝概古址遺墟流眺無  
窮可景可墟則有參來友東之閣錦雪籌邊之樓卿雲  
謫仙之宅君平子淵之丘草堂之雅花亭之幽墨池注  
草琴臺鳴秋卜肆塵埋酒墟香浮老人漁父村里悠悠  
文君花蕊吟邊各愁石鏡石筍長沒松楸石門石闕鳥  
咏蟲啾石婦石姥寒雲不收石犀石人人鬼共謀適則

銅羊恨則石牛卦錢通顯校書波瀾妃墮女誓池上風  
颺他若八陣開則驚砂石五塊動則興雲雨天牙摘星  
辰之精支機來銀漢之許皆神變之偶形詎象器之可  
覩於是芳辰楔候風靄蘭皋商賈逸豫士女翔翺選勝  
覓幽臨深登高靚妝垂髻揮鞭躍驚纖羅霧縠柔漿蕩  
舸問寺尋觀濟城萍濠攜壺提榼芳饌香醪士曰近柳  
女曰依桃呼盧博塞解衣換袍阡陌繹續勦而沓遭日  
昏不返一醉惟醺前於隨唱謳和詞騷有遨頭之先鼓

何羣國之不逮國饒民斯暇上寬下不勞匪斯世世陶  
其所陶蓋溯蜀之肇基也自谷口允人皇祗車之駕蜀  
山充黃帝子意之宮爰冊帝嚳之支庶遂世有侯土而  
擅雄沐西伯之餘化繫從牧誓以羌髡弘數十世之累  
積俶王大於蠶叢蠶叢之國國於瞿上衣青衣以莅治  
課農桑以尊養屈柏灌以泉魚鳧則仙飛而莫向於杜  
宇之嗣帝亦勸農而稱望何仙術之必承羌遜位於厥  
相忍黎之無依聞啼鵲而興創維鼈靈之受禪力灌鑿

而南王曷貨色之是耽斬開明於曰尚金牛無蹤蛇崩  
有狀五女既望五丁亦喪於是秦收其利以強六國漢  
併其富以定三秦昭烈藉險以定鼎唐玄扈隘以整屯  
宋丁運以末造亦尾勁而用振若鴟張孫李之輩鼠竊  
王孟之倫十二系期井蛙何瞋空爾決拾禮卹加惇降  
體自閉留後若燐頒經置舉合燼於塵饒有重瞳雖珍  
匪珍上下數千年興廢之間偃仰幾百代沿革之際流  
風遺俗之華人文物采之麗紛雲蔚以霞蒸燦蟬聯而

彙綴其中則神禹降靈明德攸逖長弘化碧著其英吉  
甫北伐揚其勲伯奇履霜堅其順蔓子伏劍矢其激嘉  
目筮策以興王信通捐軀以劫敵張寬王褒表文學之  
宗相如揚雄樹詞賦之嫡尤終英撫擅刪著之精胡林  
任薰得研辯之析翟醜尹珍之淵乎經史下閎文公之  
洞於算厯三張各峻潔以啟承二楊並推步而奏績景  
毅趙典持剛正以不阿張綱任昉雖權貴而必擊玄貽  
永信負節氣以自完武明剛業甘危亡而不惕文卿文



伯憤幽室以沈錮王皓王嘉捐妻子而洒漑遵閔賀溫  
下民其孚渙灝立堂政譽敷歷馮緄陳禪蠻虜威宣任  
永朱普死生必志諒輔誠精王忱介義李弘雅尚莊遵  
高致支漸隗相孝一通靈姜詩杜孝孝靈通異和寵約  
儉詩朝鯁直舒羣觀象參忠善治周譔廣稽宓崇辯識  
洪允公忠二杜貞懿膺之仁攀之明壽之贍續之宏立  
之博苾之清馥之矯隨之平嘉之卓穎之貞寶之事親  
密之陳情二郎之號四科之名范有二凱梧鳳雙鳴仙

術異乎天網仙才侈於長庚篆古嘉陽冰獨洩文裁偉  
子昂特更孔明是子易甫難兄逢吉訓詁黎幹辰星李  
睨詩句九宗碑銘梁震操潔嚴震政榮鮮于赫赫子陵  
硜硜讚諦膺首孝之奏何煥凜柏臺之聲講經羨南里  
神童邃易稱養正先生若三孫三勾三李四李玉樹金  
枝聯輝接美五范五張植根擢秀十虞三何鸞停鵠峙  
四陳預識於團仙六蘇先卜於道士三趙食報於尊賢  
三高不愧於汗史忠孝心而有孫松柏姿而多子錫遺

表以見忠魏結髮而研理雨庚以風節鳴愿酉以直道  
軌政還妾而後興仲拒婦而第起孜錚重於學術定成  
尊於易旨有友隆而燕荆合有孝篤而幼髮改有寶田  
遺頌有福星流采有托跡於畫有逃名於履磊磊其節  
蹇賈二氏仲連昂發千秋不死克瓚翊求並令髮衝上  
視雖款啓而寡聞有燦玠璉璞之翹頰揭人龍豈如轉  
轂搜國寶不殊駢齒分砑礪以荷楨陋乘珠與畹蒞麟  
角鳳毛更僕曷指若乃障撫扞禦衆豪回瞻經營興創

蕩滌夷殲則馬錯張儀雄開築以廣圖羣冰二郎神疏  
鑿而樹造唐蒙郭昌節一仗而威通吳漢臧宮戈方秉  
而氛埽文翁禮尚而化行朕襄風宣而化導張堪以仁  
威見旌五倫以貞白知操廉范以寬禁興歌王尊以忠  
勤矢報異天挺之卧龍運神武於征誅南靜夷徼北顧  
中都羅統良禕琬維已之傑佐幄參帷走羽飛超雲忠  
恢之雄斬俘獻馘次則堪戮苞而忠表尚破鷄而勲殊  
遜點石而饑濟昱戰水而蛟屠龍遷禦侮於堅築范友

保衆於高嶠李裕李靖決勝戡平高厚高文討降獲醜  
曹彬沈倫廉昫在兵庭堅十朋清曠在部居易陸贄風  
流靡漸真卿韋臯德威赳赳韓琦簡夫撫莅惟寧張詠  
上官風聲奪寇實戒蛙而蛙嘿堂吞蝗而蝗朽閱道以  
龜鶴風高彥博知宰相於夢久至其僞居教覽流歷依  
依榮公夷公窮谷遺輝陸通跡絕宋玉心悲崔送庾舟  
洞掩璞扉鳥啼竹裂竇子促歸孤臣竄逐黃魔露機嗟  
道古於關東吟子美於落暉巴橋留寇準之屣昌洞曳

茂叔之衣堯夫以雲臺參易伯淳叩桶翁知微袁滋緣  
醬老興悟正叔諤樵子知幾莘老遵杜村繩祖和靖向  
北巖步師伯溫正己兮已並卜居而音徽至其遺世步  
虛列真息假則廣成紫陽道冥李耳馬成丹化長房道  
陵超清方平長生玄駕或竹枝引度呪鬼鬼仆或封鐘  
顯符召神神徂或挾虎虎馴喚龍龍形或騰身上柏古  
本潛魄或木羊以嬉屠羊惕思或散金解淨留題著姓  
或聞磬出定求砂乞令或假鉞引成投石自明或聞機

構約水宮迎泊迭詭祕於幻幽翻牒錄其如錯臨風想  
睇不仙仙而作於是大風惟殤大域惟牲匪皇匪軌疇  
斯克震惟大明之是御蕩大化於無垠湯征虜雲旅臨  
而鼓聲靜傳將軍雨師至而壺漿迎丁平羌玉斧指而  
獍梟伏梁國公鐵騎向而豺豹奔正王氣之是榮識王  
者之有真山川踴其得主日月炳為一新育萬彙而妥  
百靈總羣生而朝百神孰不來享孰不來賓父老攜筇  
以快覩何檄諭之諄諄椎結帖耳以順歸毋擒縱之是

頻旁邑傾心於置吏寧縉帛之致殷盼蠻燭其昭格曷  
金碧之事裡嶽瀆澹於沈灑胡濬鑿之粼粼奠上古之  
未奠臣先后所不臣蠕蠕且為煦燠血氣莫不尊親藉  
苴罕升之庶童若里區之蒸蒞以守宰飭以述巡樹以  
師徒道路是遵士被沕穆之風農熙隴畝之春工精璘  
璫之器賈轉縶賄之輪救謚康阜含稊飲醇邇服德而  
遐慕義上解澤而下泳仁將恢二十三朝以郁郁釀千  
萬億禩之彬彬胡中邦之殊漸狹西徼之為濱於皇哉



方大之國大人之鄉在昔有述於茲孔揚耳食者趾界  
闕面囿牆乃謬訝遼絕擯僻荒令奧蘊弗聞孤奇弗彰  
蜺伏鸚窺又烏知北鯤南鵬夫已下視乎蒼蒼巢棲處  
士於是聰齋神淫心猓口呿粥粥不能言少間曰吐瀉  
洸圖至斯惟先生言真遊我於瀛海引我於亨衢風雲  
生其腋濤沫撼其裾而後乃今知蜀之由來張矣世亂  
先違有足恃也道治後服循乎底也矧乃丁邳隆於今  
日跨上遊於都省匪西壁屏翰中原襟領所謚天下名

鎮之冠詎為誇第蒙有怒心焉巨壑沛於一卮泰山  
碣於一溜積饒之國利用恬彫瘵之民起於寇今蜀下  
上下中田賦匪後布粟征徭催科匪宿澤土惟穰擱歸  
問右厥民嫫嫫如康在囿榷茶榷鹵秋毫畢購白漆紫  
漆歲不遺數絹箋藥綢絡繹馳奏一筵啖監官司弗宥  
掄木構材衝嵐穿岫一木乚疑千家搶首加以採使飛  
輓石耕砂耨負販雞豚頭會必究輪蹄跣踰掠扶斥族  
富竄竄亡鬻妻售幼骨枯不能供其求髓銷不能勝其

扣地宕天寥噪諄靡叩誰云蹲鴟不饑嗟此饑烏窮獸  
竊裏外席中矛何論昔肥今瘦懸弧先生喟然曰是則  
然走亦盡傷之但任土作貢九州維則上之所需下之  
所棘大工斯興梁木攸克百爾所供咸當嚴翼剗肉灸  
瘡敢覩隱恠乃今天子英明神聖二三元老亮直方端  
惟邃弗知惜曰急般脫擊茲容寧不知歎旋日貢綸音  
閔民殘渙汗號軫時艱貢不惟珍惟其錯征不惟苛惟  
其權一切得已宿留布蠲斧斤戒時材衡惟官貂璫股

路風雷夙還勿撓神人洞勿浚財力瘁淪者已弗拯  
者相與援起飮飮於瀕危貽陳疇之寢平家羨醵金戶  
晏饗餐忻止戾以如故快恒和之及存譬之燭再調而  
玉輝甌未缺而金完莫莫然猶撲錦地沸歌天以踰躡  
陸海茫洋也曾震此澆濁之微湍處士復若苑結者楚  
然曰斯已矣更有鼠思蓋聞喬木無蠹枝蠹枝將蠹心  
壯士無痿臂痿臂將痿身幅員之側可有反側之氓方  
今明德不著旁通九譯曷蠹捕兇敢肆毒螫戴我冠帶

明威弗惕負嵎憑隘弄戈飛檄截道屠城縣吏為逆掘  
冢焚廬嬰貫孕剔白骨如麻橫江漂赤巖廟號驚遐萌  
跋踏運兵轉餉師老於壁詎非抵轍之螳嚙庾之鮒干  
皇明之大辟先生諤然曰唉子未耳乎迺者兇方疏恣  
天子赫然震怒甫天戈之境薄不旬朝而已仆爾乃逆  
運將壅集莫乖窮我師用奮采搗於封濯征聲罪罪厥  
靡共貌貅四出嘽嘽如叢弓鳴鏑響草木生風驚自天  
下雷雨駢攻躡其闢阨火其室宮蛇豕失踞獷狻無蹤

害彼逆龍雉經於磴妻孥友其袒縛巢穴錫為一空昇  
屍京師剖棺裂胸爰殲么孽流凶懲兇惟茲不譴福壽  
斯終自礪石訓捫膺胡恫三朝之所蘊積一肯為之艾  
崇今且薊荆秦剷凸窟夷菁坐布郡邑同大壩之剷除  
並龍州以柔輯茹華教洗腥習矩章程閑約率兇渠既  
嘉何有醜類么詭之氛息駿厖之風一羶裘之長以十  
數咸交臂詣首而受律慕皇猷之遠敷歌聖澤之遐溢  
極土濱為翕赫娛娛誰昔羈繫之術處士於是蹙然撫

躍有是哉未之前聞也爍哉昭代懿矣我皇帡幪無外  
丕載無疆底績符於夏禹南化婉於周王開造駕於秦  
漢者定軼於晉唐千古有奕萬葉彌光矧茲天塹地輿  
形勢岑峯雞犬相聞連城接闥奢豪侈麗乃勇乃文浸  
假填撫有道容愜以安途清呼晷隅息呻吟豐融日熾  
齒聚月臻將泰寧而外戶佻以固有事而堂室僈以尊  
詎不永壯國家於棟隆維盤石於廣坤願先生奏頌蒙  
敢櫟歲懸弧先生乃颺言頌曰巖巖維蜀天設其險周

山盤川鬱律巉嶮四塞岵岵壯捷牢關駢駢壘靠百二  
斯閑中地壇曼垌晦攸舒實抵實京百室盱盱含星吐  
蛩有士其雍東箭南金咸作邦貢誰曰外區濱厥要荒  
吏治既循憲斯王章在昔先零有繼且隍今茲懷柔式  
廓為烈大琛小琛帥侯暨公曷是旬宣吾王維同維王  
不忒維爾以則永价鎮固用襄無極巢棲處士則莊容  
而歲曰固國維險匪險弗克險亦曷憑居之在德強國  
維富匪富何因富亦匪恃綏在以仁公孫祚促劉氏璽



投敗轅有監厝新勿謀一夫負固必遭後誅天子弗守  
大亦不居母曰爾庶封靡作使馬御失銜抑有他起母  
曰爾寧此窳無憂檻虎有牙一逸不收必難必悚居諄  
覲遠瞻形幹機固標以本維穆且宥維父采昌覆茲勿  
替匪西一方

御定歷代賦彙補遺卷五



總校官庶吉士臣張能照  
校對官編修臣周厚轅  
謄錄監生臣汪承泰